


元史





编码错误

卷首应为65

志卷第十七上

元史六十七

翰林學士雷大和制誥兼修國史
宋濂翰林待制承直郎同知制誥兼國史院編修官王禕等奉
勅修

河渠二

黃河

黃河之水其源遠而高其流大而疾其為患於中國者莫甚焉前史載河決之患詳矣世祖至元九年七月衛輝路新鄉縣廣盈倉南河北岸決五十餘步八月又崩一百八十三步其勢未已去倉止三十步於是委都水監丞馬良弼與本路官同詣相視差丁夫

併力修完之二十五年汴梁路陽武縣諸處河決二
十二所漂蕩麥禾房舍委宣慰司督本路差夫修治
成宗大德三年五月河南省言河決蒲口兒等處浸
歸德府數郡百姓被灾差官修築計料合修七隄二
十五處共長三萬九千九十二步總用葦四十萬四
千束徑尺椿二萬四千七百二十株役夫七千九百
二人武宗至大三年十一月河北河南道廉訪司言
黃河決溢千里蒙害浸城郭漂室廬壞禾稼百姓已
罹其毒然後訪求修治之方而且衆議紛紜互陳利
害當事者疑惑不決必須上請朝省比至議定其害

滋大所謂不預已然之弊大抵黃河伏槽之時水勢
似緩觀之不足爲害一遇霖潦湍浪迅猛自孟津以
東土性疏薄兼帶沙滷又失導洩之方崩潰決溢可
翹足而待近歲亳穎之民幸河北徙有司不能遠慮
失於規劃使陂灤悉爲陸地東至杞縣三汜口播河
爲三分殺其勢蓋亦有年往歲歸德大康建言相次
湮塞南北二汜遂使三河之水合而爲一下流旣不
通暢自然上溢爲灾由是觀之是自奪分泄之利故
其上下決溢至今莫除卽今水勢趨下有復鉅野梁
山之意蓋河性遷徙無常苟不爲遠計預防不出數

年曹濮濟鄆蒙害必矣。今之所謂治水者，徒爾議論紛紜，咸無良策。水監之官，既非精選，知河之利害者，百無一二。雖每年累驛而至，名爲巡河，徒應故事，問地形之高下，則懵不知，訪水勢之利病，則非所習。既無實才，又不經練，乃或妄興事端，勞民動衆，阻逆水性，翻爲後患。爲今之計，莫若於汴梁置都水分監，妙選廉幹，深知水利之人，專職其任，量存員數，頻爲巡視，謹其防護，可疏者疏之，可堙者堙之，可防者防之。職掌既專，則事功可立。較之河已決溢，民已被害，然後鹵莽修治，以勞民者，烏可同日而語哉！於是省令

都水監議檢照大德十年正月省臣奏準，昨都水監陞正三品添官二員，鑄分監印，巡視御河，修缺潰，疏淺澁，禁民船越次亂行者。今擬就令分巡提點修治本監議黃河泛漲止是一事，難與會通。河有壩牌漕運分監守治爲比，先爲御河添官降印，兼提點黃河。若使專一分監在彼，則有妨御河公事。况黃河已有拘該有司正官提調，自今莫若分監官吏以十月往與各處官司巡視，缺破會計工物督治。比年終完來春分監新官至，則一一交割，然後代還，庶不相誤。工部照大德九年黃河決徙逼近汴梁，幾至浸沒本處。

官司權宜開闢董盆口分入巴河以殺其勢遂使正河水緩併趨支流緣巴河舊隘不足吞伏明年急遣蕭都水等閉塞而其勢愈大卒無成功致連年爲害南至歸德諸處北至濟寧地分至今不息本部議黃河爲害難同餘水欲爲經遠之計非用通知古今水利之人專任其事終無補益河南憲司所言詳悉今都水監別無他見止依舊例議擬未當如量設官精選廉幹奉公深知地形水勢者專任河防之職往來巡視以時疏塞庶可除害省准令都水分監官專治河患任滿交代仁宗延祐元年八月河南等處行中

書省言黃河涸露舊水泊汗地多爲勢家所據忽遇泛溢水無所歸遂致爲害由此觀之非河犯人人自犯之擬差知水利都水監官與行省廉訪司同相視可以疏闢提障比至泛溢先加修治用力少而成功多又汴梁路睢州諸處決破河口數十內開封縣小黃村計會月隄一道都水分監修築障水隄堰所擬不一宜委請行省官與本道憲司汴梁路都水分監官及州縣正官親歷按驗從長講議由是委太常丞郭奉政前都水監丞邊承務都水監卿朶兒只河南行省石右丞本道廉訪副使站木赤汴梁判官張承

直上自河陰下至陳州與拘該州縣官一同沿河相
視開封縣小黃村河口測量比舊淺減六尺陳留通
許太康舊有蒲葦之地後因閉塞西河塔河諸水口
以便種蒔故他處連年潰決各官公議治水之道惟
當順其性之自然嘗聞大河自陽武胙城由白馬河
間東北入海歷年既久遷徙不常每歲泛溢兩岸時
有衝決強爲閉塞正及農忙科椿梢發丁夫動至數
萬所費不可勝紀其弊多端郡縣嗷嗷民不聊生蓋
黃河善遷徙惟宜順下疏泄今相視上自河陰下抵
歸德經夏水漲甚於常年以小黃口分洩之故並無

衝決此其明驗也祥視陳州最爲低窪瀕河之地今
歲麥禾不收民饑特甚欲爲拯救奈下流無可疏之
處若將少黃村河口閉塞必移患隣郡決上流南岸
則汴梁被害決下流北岸則山東可憂事難兩全當
遺小就大如免陳村差稅賑其饑民陳留通許太康
縣被災之家依例取勘賑恤其小黃村河口仍舊通
流外據修築月隄并障水隄閉河口別難擬議於是
凡汴梁所轄州縣河隄或已修治及當疏通與補築
者條列具備至五年正月河北河南道廉訪副使與
屯言近年河決杞縣小黃材口滔滔南流莫能禦遏

陳穎瀕河膏腴之地浸沒百姓流散今水迫汴城遠
無數里儻值霖雨水溢倉卒何以防禦方今農隙宜
爲講究使水歸故道達於江淮不惟陳穎之民得遂
其生竊恐將來浸灌汴城其害匪輕於是大司農司
下都水監移文汴梁分監修治自六年二月十一日
興工至三月九日工畢總計北至槐疙疸兩舊堤南
至窪務汴堤通長二十里二百四十三步初修護城
隄一道長七千四百四十二步下地修隄下廣十六
步上廣四步高一丈六十尺爲一工隄東二十步外
取土內河溝七處深淺高下濶狹不一計工二十五

萬二千六百八十用夫八千四百五十三除風雨妨
工三十日畢內流水河溝西北濶二十步水深五尺
河內脩隄底濶二十四步上廣八步高一丈五尺積
十二萬尺取土稍遠四十尺爲一工計三萬工用夫
百人每步用大椿二計四十各長一丈二尺徑四寸
每步雜草千束計二萬每步簽椿四計八十各長八
尺徑三寸水手二十木匠二大船二艘梯鑿一副繩
索畢備七年七月汴梁路言滎澤縣六月十一日河
決塔海莊東隄十餘步橫隄兩重又缺數處二十三
日夜開封縣蘇村及七里寺復決二處本省平章

馬赤親率本路及都水監官併工脩築於至治元年正月興工脩隄岍四十六處該役一百二十五萬六千四百九十四工凡用夫三萬一千四百一十三人文宗至順元年六月曹州濟陰縣河防官本縣尹郝承務言六月五日魏家道口黃河舊隄將決不可脩築以此差募民夫剏脩護水月隄東西長三百九步下濶六步高一丈又緣水勢瀚漫復於近北築月隄東西長一千餘步下廣九步其功未竟至二十一日水忽泛溢新舊三隄一時咸決明日外隄復壞急率民閉塞而湍流迅猛有蛇時出沒於中所下椿土一

掃無遺又舊隄歲久多有缺壞差夫併工築成二十餘步其魏家道口缺隄東西五百餘步深二丈餘外隄缺口東西長四百餘步又磨子口護水隄低薄不足禦水東西長一千五百步魏家道口卒未易脩先差夫補築磨子口七月十六日興工二十八日工畢二十二日按視至朱從馬頭西舊隄缺壞東西長一百七十餘步計料隄外貼築五步增高一丈二尺與舊隄等上廣二步於磨子口脩隄夫內摘差二百一十人於是月二十三日入役至閏七月四日工畢郝承務又言魏家道口埽塌等村缺破隄堰累下椿土

衝洗不存若復閉築緣缺隄周回背泥淖人不可居兼無取土之處又沛郡安樂等保去歲旱災今復水澇漂禾稼壞室廬民皆缺食難於差倩其不經水害村保民人先已遍差補築黃家橋磨子口諸處隄隄似難重役如候秋涼水退倩夫脩理庶蘇民力今衝破新舊隄七處共長一萬二千二百二十八步下廣十二步上廣四步高一丈二尺計用夫六千三百四十八人椿九百九十筓箔一千三百二十草一萬六千五束六十尺爲一工無風雨妨工度五十日可畢本縣準言至八月三十日差夫二千四百二十關請郝承

務督役郝承務又言九月三日興工脩築至十八日大風十九日雨二十四日復雨緣此辛馬頭孫家道口障水隄隄又壞計工役倍於元數移文本縣添差二千人同築二十六日元與武成定陶二縣分築魏家道口八百二十步脩完十月二日至辛馬頭孫家道口從實丈量元缺隄南北濶一百四十步內水地五十步深者至二丈淺者不下八九尺依元料用椿箔補築至七日完又於本處朔築月堤一道西北東南斜長一千六百二十七步內武成定陶分築一百五十步實築一千四百七十七步外有元料垆頭魏

家道口外隄未築卽欲興工緣冬寒土凍擬候來春
併工脩理官民兩便

濟州河

濟州河者新開以通漕運也世祖至元十七年七月
耿叅政阿里尚書奏爲姚演言開河事令阿合馬與
耆舊臣集議以鈔萬錠爲傭直仍給糧食世祖從之
十八年九月中書丞相火魯火孫等奏姚總管等言
請免益都淄萊寧海三州一歲賦入折傭直以爲開
河之用平章阿合馬與諸老臣議以爲一歲民賦雖
多較之官給傭直行之甚便遂從之十月火魯火孫

等奏阿八失所開河經濟州而其地又有一河傍有
民田開之甚便臣等議若開此河阿八失所管一方
屯田宜移之他處不阻水勢世祖令移之十二月差
與魯赤劉都水及精算數者一人給宣差印往濟州
定開河夫役令大名衛州新附軍亦往助工三十一
年御史臺言膠萊海道淺澁不能行舟臺官王速帖
木兒奏阿八失所開河省遣牙亦速失來謂漕船泛
河則失少泛海則損多旣而漕臣囊加解萬戶孫偉
又言漕海舟疾且便右丞麥木丁又奏幹奴兀奴解
凡三移文言阿八失所開河益少損多不便轉漕水

手軍人二萬舟千艘見閉不用如得之可歲漕百萬石昨奉旨候忙古斛來共議海道便則阿八失河可廢今忙古斛已自海道運糧回有一二南人自願運糧萬石已許之囊加斛孫萬戶復請用軍驗試海運省院官暨衆議阿八失河所用水手五千軍五千船千艘昇揚州省教習漕運今擬以此水手軍人就用平灤船從利津海漕運世祖從之阿八失所開河遂廢

滄河

滄河者引滄水以通洛州城濠者也至元五年十月

洛磁路言洛州城中井水鹹苦居民食用多作疾且死者衆謂䟽滌舊渠置壩牐引滄水分灌洛州城濠以濟民用計會河渠東西長九百步濶六尺深三尺二尺爲工役工四百七十五民自備用器歲二次放牐且不妨漕事中書省準其言

廣濟渠

廣濟渠在懷孟路引沁水以達於河世祖中統二年提舉王允中大使楊端仁奉詔開河渠凡募夫千六百五十一人內有相合爲夫者通計使水之家六千七百餘戶一百三十餘日工畢所脩石堰長一百餘

步濶三十餘步高一丈三尺石斗門橋高二丈長十步濶六步渠四道長濶不一計六百七十七里經濟源河內河陽溫武陟五縣村坊計四百六十三處渠成甚益於民名曰廣濟三年八月中書省臣忽魯不花等奏廣濟渠司言沁水渠成今已驗工分水恐久遠權豪侵奪乃下詔依本司所定水分已後諸人毋得侵奪至文宗天曆三年三月懷慶路同知阿合馬言天久亢旱夏麥枯槁秋穀種不入土民匱於食近因訪問耆老咸稱舟水澆溉近山田土居民深得其利有沁水亦可溉田中統間王學士亦為天旱奉詔

此渠募自願人戶遂大行山下沁口古置分水渠口開濟大河四道歷溫陟入黃河約五百餘里渠成名曰廣濟設官提調遇旱則官為斟酌驗工多寡分水澆溉濟源河內河陽溫武陟五縣民田三千餘頃咸受其賜二十餘年後因豪家截河起堰立碾磨壅遏水勢又經霖雨渠口淤塞隄隄頽圯河渠司尋亦章罷有司不為整治因致廢壞今五十餘年分水渠口及舊渠淤塞俱有可考若蒙依前浚治引水澆田於民大便可令河陽河內濟源溫武陟五縣使水人戶自備工勞疏通分水渠口立碑起隄仍委諸知水

利之人多方區畫遇旱視水緩急撤牐通流驗上分
水以灌溉若霖雨泛漲閉牐退還正流禁治不得為
水畧一張磨多種稻田如此則澇旱有備民樂趨利請
移守孟州河之武陟縣委官講議尋據孟州等處
官言沁水正河內築土堰遠
水入廣濟渠岸北雖有減水河道不能吞伏後值霖
雨道多沒田禾以此堵閉冷若妨口上連土岸及於溪
水正河置立石堰與妨口相平如遇水溢閉塞牐口
使水漫流石堰復還本河又從減水河分殺其勢如
此在武陟縣尹與耆老等議告符
不為害約會河陽武陟縣尹與耆老等議告符

三白渠

舊直以濟渠依前開濬減水河亦增開深闊禁安磨
設之牐堰自下使水遇旱放牐澆田值澇閉牐退水
公私便益懷慶路備專工部牒都水監回文本路季
官相視施行

京兆舊有三白渠自元代金以來渠堰缺壞土地荒
蕪陝以西之人雖欲種蔬不獲水利賦稅不足軍興之
用大元宗之十二年梁泰奏請差撥人戶牛具一切種
蒔並可物脩成渠堰比之旱地其收數倍所得糧米可
以儲軍大元宗準奏就令梁泰佩元降金牌充宣差

指三白渠使郭時中副之直隸朝廷置司於雲陽縣
所田舊種田戶及牛畜別降旨付塔海紺不於軍前
副是身或喻塔海紺不近梁肅奏脩三白渠事可
次置前所獲有妻少壯新民量撥二千戶及木工二
十人官牛內選肥脂齒小者一千頭內乳牛三百以
昇梁肅等如不敷於各千戶百戶內貼補限今歲十
一月內交付數足趁十二月入工其耕種之人所收
之米正為接濟軍糧如發遣人戶之時或闕少衣裝
於冬千戶百戶內約量支給差軍護送出境沿途經
之亦為防送毋致在逃走遞驗路程給以行糧

大白一井小者半之

洪口渠

洪口渠在奉元路英宗至治元年十月陝西屯田府
言自秦漢至唐宋年例八月差使水戶自涇陽縣西
仲山下截河築洪隄改涇水入白渠不至涇陽縣北
白公寺分為三限并平石限蓋五縣分水之要所北
限八三原崇陽雲陽中限入高陵南限入涇陽澆澆
官民曰七萬餘畝近至大三年陝西行臺御史王承
德言涇陽洪口展修石渠為萬世之利由是會集奉
元路三原涇陽臨潼高陵蒲縣涇陽渭南櫟陽諸

屯官及耆老議如準所言展脩石渠八十五步計四
百二十五丈深二丈廣一丈五尺計用石十二萬七
千五百尺又日採石積方一尺工價二兩五錢石工
二百寸夫三百金火匠二具火焚水滄日可鑿石五
百尺二百五十五日工畢官給其糧食用其丁夫就
役便米之家額匠傭直使水戶均出陝西省議計所
用錢銀不及二年之費可謂一勞永逸准所言便都
省準委屯田府達魯花赤只里赤督工自延祐元年
二月十日發夫匠入役至六月十九日委官言石性
堅厚鑿僅一丈水泉湧出近前續展一十七步石積

二萬五千五百尺潘夫匠百大口鑿六百尺二百四
十二日可畢文宗天曆二年三月屯田總管兼管河
渠司事郭嘉議言去歲六月三日驟雨涇水泛漲元
脩洪隄及小龍口盡地水歸涇白渠內水淺為此計
用十四萬九千五百十一工役丁夫一千六百度九
十三日畢於使水戶內差撥每夫就持麻一斤鐵一
斤繫固系泥索各一長四十尺草苫一長七尺厚二
寸陝西省準屯田府照洪口自秦至宋一百二十歲
經由三隄自涇陽下至臨潼五縣分流澆流民田七
萬餘頃驗田出夫千六百人自八月一日修隄至十

月放水溉田以爲年例近因奉元亢旱五載失稔人皆相食流移疫死者十七八今差夫又令就出用物實不能辦集竊詳涇陽水利雖分三限引水溉田緣三原等縣地理遙遠不能依時周遍涇陽北近俱在上限并南限中限用水最便今次脩隄除見在戶依例差役其逃亡之家合出夫數宜令涇陽縣近限水利戶添差一人官日給米一升并工脩治省準出鈔八百錠委耀州同知李承事洎本府總管郭嘉議及各處正官計工役照時直糴米給散李承事督夫脩築至十一月十六日畢

揚州運河

運河在揚州之北宋時嘗設軍疏濬世祖取宋之後河漸壅塞至元末年江淮行省嘗以爲言雖有旨濬治有司奉行未見實効仁宗延祐四年十一月兩淮還司言鹽課甚重運河淺澁無源止仰天兩請加脩治明年二月中書移文河南省選官洎運司有司官相視會計工程費用於是河南省委都事張奉政及淮東道宣慰司官運司官會州縣倉場官徧歷視集議河長二千三百五十二里有司差濬河有田之家顧倩丁夫開脩一千八百方十九里倉場鹽司不

妨辦課協濟有司開脩四百八
課額增多而船竈戶日益貧苦
省減官錢省臣奏準諸色戶內
鹽稅錢二兩計用鈔二萬錠於
錢內支用差官與都水監河南
專董其事廉訪司體察樞密院
王疏治

練湖

練湖在鎮江元有江南之後豪勢之家於湖中築隄
圍田耕種侵占既廣不足授水遂致淤澱世祖末年

參政暗都刺奏請依宋例委人
提調疏濬 侵占者

驗畝加賦至治三年十二月省
臣奏江淞行省言鎮

江運河全藉練湖之水為上源
官司漕運供億京師

及商賈販載農民來往其舟楫
莫不由此宋時專設

人夫以時脩濬練湖蓄潦水
若運河淺阻開放湖

水一丈則可添河水一尺近年
淤淺舟楫不通死有

官物差民運逆甚為不便委官
相視疏治運河自漢

江路至呂城壩長百三十一里
計役夫萬五百十三

人六十日可畢又用三千餘人
浚濬練湖九十日可

完人日支糧三升中統鈔一兩
行省行臺分官監

所用船物今歲預備來春興工
省所擬既得旨都省移文江浙
率合屬正官親臨督役於是董
少監崇明州知州任奉政鎮江
練湖運河此非一事宜依假山
用船千艘船三人用竹箆撈取
九萬載三月之間通取二十七
築湖岸自鎮江在城程公壩至
河長百三十一里一百四十六
底闊三文深四尺與見有水三
合行事宜依江浙
行省委參政董中奉
中奉言所委前都水
路總管毛中義等議
諸湖農民取泥之法
淤泥日可三載月計
萬載就用所取泥增
常州武進縣呂城壩
步擬開河面闊五丈
尺可積深六尺所擬

夫於平江鎮江常州江陰州及建康路所轄溧陽州
田多上戶內差倩若濬湖開河二役並與卒難辦集
宜趁農隙先開運河工畢就濬練湖省準所言與都
事王徵事等於泰定元年正月至鎮江丹陽縣泊各
監工官沿湖相視上湖沙岡黃上下湖菱根叢雜泥
亦堅硬不可箆取又議兩役並與相離三百餘里往
來監督供給爲難願以所督夫一萬三千五百十二
人先開運河期四十七日畢次濬練湖二十日可完
繼有江南行臺侍御史及浙西廉訪司副使俱至乃
議首事運河備文咨稟遂於是月十七日入役二月

十八日省臣奏開濬運河練湖重役也宜依行省所
 議仍令便宜從事後各監工官言已分運河作三壩
 依元料深闊丈尺開浚至三月四日工畢數內平江
 崑山嘉定二州實役二十六日常熟吳江二州長洲
 吳縣實役二十八日餘皆役三十日已於三月七日
 積水行舟又監修練湖官言任奉議指劃元料增築
 隄堰及舊有土基共增闊一丈二尺平面至高底灘
 脚增築共量斜高二丈五尺依中隄西石礎東舊隄
 卧羊灘修築如舊隄高闊已及所料之上者遇有崩
 缺修築令完中隄西石礎至五百婆隄西上增高土

一尺有缺亦補之	五百婆隄至馬林橋隄水勢稍緩
不須脩治其隄底	間有滲漏者窒塞之三月六日破
土九日入役至十	一日工畢實役三日歸勘任少監
元料開運河夫萬	五百卅三人六十日畢濬練湖夫
三千人九十日畢	人日支鈔一兩米三升共該鈔萬
八千一百四錠二	石兩米二萬七千二十一石六斗
實徵夫膏三千五	百十二人共役三十三日支鈔八
千六百七十九錠	三十六兩糧萬三千十九石五斗
八升比附元料省	鈔九千三百三十四錠三十四兩
糧萬四千二百二	升其練湖未畢相視地形米膏

議參政董中奉又言練湖舊有湖兵四千三人添補
五十七名共百人於本路州縣苗糧三石之下二石
之上差充專任脩築湖岸設提領二員總寨二員司
吏三人於有出身人內選用工部議練湖所設提領
人等印信即同湖兵宜咨本省遍行議擬又鎮江路
言運河練湖今已開濬若不設法閑防徒勞民力除
閔本路達魯花赤兀魯失海牙總治其事同知哈散
知事程郇專管啓兩寺門行省從之

吳松江

浙西諸山之水受之太湖下為吳松江東匯澱山湖

以入海而潮汐來往逆湧濁沙上湮河口是以宋時
議置撩洗軍人專掌脩治元既平宋軍士罷散有司
不以為務勢豪租占為蕩為田州縣不得其人輒行
許準以致湮塞不通公私俱失其利久矣至治三年
江浙省臣方以為言就委嘉興路治中高朝列湖州
路知事丁將仕同本處正官體究舊曾疏濬通海故
道及新生沙漲礙水處所商度開濬圖呈據丁知事
等官按視講究合開濬河道五十五處內常熟州九
處十三段該工百三十二萬一千五百六十二貫山
州十一處九十五里用工二萬七千四日役夫四百

五十六里於本州有田一項之上戶內驗田
量里步均派自備糧赴功疏濬正月上旬
十日工畢二年一次舉行嘉定州三十五
十八里該二百二十六萬七千五十九日
計米萬二千六百七十石五斗九升日役
夫二萬一千一百一十七六十六日畢工
程浩大米糧數多乞依年例勸率附河有
田用水之家自備口糧佃戶傭力開濬奈
本州連年被災今歲尤甚力有不逮宜從
上視議合濬河渠華亭縣九處計五百二
十八里該工

八萬四千八百八十二役夫十六萬一千
四日支糧二升計米十九萬三千六百
六斗四升上海縣十四處計四百七十一
二萬三千六百八十五十二日役夫二萬
三十四人日支糧二升計二十四萬七千
一石四升六斗十日工畢官給之糧傭民
疏豐稔勸率有田之家五十畝出夫一人
十數合出止於本保開濬其權勢之家置
立塗栽葦者依上出夫其上海嘉定連年
旱口運塞旱則無以灌溉澇則不能流洩
致凶歉官

民俱病至元三十年以後兩經䟽闢稍得豐稔比年
又復壅閉勢家愈加租占雖得徵賦實失大利上海
縣歲收官糧一十七萬石民糧三萬餘石略舉似延
祐七年災傷五萬八千七百餘石至治元年災傷四
萬九千餘石二年十萬七千餘石水旱連年殆無虛
歲不惟虧欠官糧復有賑貸之費近委官相視地形
講議䟽濬其通海大江未易遽治舊有河港聯絡官
民曰土之間籍以灌溉者今皆填塞必須䟽通以利
耕種欲令有田人戶自為開濬而工役浩繁民力不
能獨成由是議上海嘉定河港宜令本處所管軍民

結龜僧道諸色有田者以多寡出夫自備糧作治州
縣正官督役其豪勢租占蕩田妨水利者並與除闢
本處民田稅糧全免一年宜租減半今秋收成下年
農隙舉行行省行臺廉訪司官巡鎮外據華亭崑山
常熟州河港比上海嘉定緩急不同難為一體從各
處勸農正官督有田之家備糧精工脩治若遽興工
陰陽家言癸亥年動土有忌預為咨稟可否至泰定
元年十月十九日右丞相旭邁傑等奏江潮者言吳
松江等處河道壅塞宜為䟽濬仍立碑以節水勢計
用四萬餘人今歲十二月為始至正月終六十日可

畢用二萬餘人二年可畢善丁
均差依練湖例給備宜糧食行
司官同提調巨等議此事官民
夫有餘止令一年畢命脫務各
委左丞采兒只班及前都水任
行省準擬疏治江浙者下各路
正月四日二畢

大 湖為湖西巨浸上受梳湖諸
匯 湖東流入海世祖末
湖在宋時官差軍守之湖旁
其壅塞以洩水勢今既無人管
隄繞湖為田湖狹不足蓄蓄每
本省官忙古解等與言疏治因
參議潘應武等相繼建言議者
事可行無疑然雖軍民相參
山住子行院董八都兒子行高
會計合用軍夫擬東世祖曰刻
行之既而平章鐵哥言委官相
日可畢耶奏軍民共役今民守
夫於旁郡諸色戶內
督行臺康訪司并有
兩便宜從其請若丁
刺罕諸臣同提調專
少監董得旨移文
發夫入役至二年閏

湖在宋時官差軍守之湖旁
其壅塞以洩水勢今既無人管
隄繞湖為田湖狹不足蓄蓄每
本省官忙古解等與言疏治因
參議潘應武等相繼建言議者
事可行無疑然雖軍民相參
山住子行院董八都兒子行高
會計合用軍夫擬東世祖曰刻
行之既而平章鐵哥言委官相
日可畢耶奏軍民共役今民守
數多不須調軍世祖

曰有損有益咸令均齊毋自疑惑其均科之至元三
十一年世祖崩成宗即位平章鐵哥奏太湖濶山湖
昨學奏過先帝差倩民夫二十萬疏擗已畢今諸河
日涸兩潮漸致沙漲若不依舊宋例令軍屯守必致
必一廢成功臣等議常時工役撥軍樞府猶且憐惜屯
守河道用軍八千必辭不遣濶山湖圍田賦糧二萬
云就以募民夫四千調軍士四千與同屯守立都水
監使司職掌收捕海賊備治河渠圍田命伯顏察
曰暨樞密院議畢聞奏於是樞府言嘗奏濶山湖在
屯小時設軍屯守范殿帥朱張暨必知其故擬與省官
集議定稟奏有旨從之乃集樞府官及范殿帥等共
議朱張言宋時屯守河道用手號軍大處千人小處
不下三四百隸巡檢司管領范殿帥言差夫四千非
動搖四十萬戶不可若令五千軍屯守就委萬戶一
員提調事或可行臣等亦以爲然與都水巡防萬戶
府職名俾隸行院樞府官又言若與知源委之人詢
其詳俟至都定議從之

鹽官州海塘

鹽官州去海岬三十里舊有捍海塘二後又添築鹹
塘在宋時亦嘗崩陷成宗大德三年塘岬崩都省委

禮部郎中游中順洎本省官相視虛沙復漲難於施力至仁宗延祐己未庚申間海汎失度累壞民居陷地三十餘呈其時省憲官共議宜於州後北門添築土塘然後築石塘東西長四十三里後以潮汐沙漲而止至泰定卽位之四年二月間風潮大作衝捍海小塘壞州郭四里杭州路言與都水庸田司議欲於北地築塘四十餘里而工費浩大莫若先脩鹹塘增其高濶填塞溝港且濬深近北備塘濠塹用椿密釘庶可護禦江淞省準下本路脩治都水庸田司又言宜速差丁夫當水之衝堵閉其不敷工役於仁和

錢塘及嘉興附近州縣諸色人戶內斟酌差倩卽日淪沒不已旦夕誠爲可慮工部議海峽崩摧重事也宜移文江浙行省督催庸田使司鹽運司及有司發丁夫脩治毋致侵犯城郭貽害居民五月五日平章禿滿迭兒茶乃史叅政等奏江浙省四月內潮水衝破鹽官州海峽令庸田司官徵夫脩堵又令僧人誦經復差人令天師致祭臣等集議世祖時海峽嘗崩遣使命天師祈祀潮卽退今可令直省舍人伯顏奉御香令天師依前例祈祀制曰可旣而杭州路又言八月以來秋潮洶湧水勢愈大見築沙地塘峽東西

八十餘步造木櫃石圍以塞其要處本省左丞相脫
歡等議安置石圍四千九百六十抵禦鏤啣以救其
急擬比淞江立石塘可爲久遠計工物用鈔七十九
萬四千餘錠糧四萬六千三百餘石接續興脩致和
元年三月省臣奏江淞省并庸田司官脩築海塘作
竹籬條內實以石鱗次壘疊以禦潮勢今又淪陷入
海見圖脩治儻得堅久之策移文具報臣等集議此
重事也旦夕駕幸上都分官扈從不得圓議今差戶
部尚書李家奴工部尚書李嘉賓樞密院屬衛指揮
青山副使洪灝宣政僉院南哥班與行省左丞相脫

歡及行臺行宣政院庸田使司諸臣會議修治之方
合用軍夫除戍守州縣關津外酌量差撥從便添支
口糧合役丁力附近有田之民及僧道也里可溫荅
失蠻等戶內點倩凡工役之時諸人毋或沮壞違者
罪之合行事務提調官移文稟奏施行有旨從之四
月二十八日朝廷所委官泊行省臺院及庸田司等
官議大德延祐欲建石塘未就泰定四年春潮水異
常增築土塘不能抵禦議置板塘以水湧難施工遂
作籬條木櫃間有漂沉欲踵前議壘石塘以圖久遠
爲地脉虛浮比定海淞江海鹽地形水勢不同由是

造石囤於其壞處壘之以救目前之急已置石囤二十九里餘不曾崩陷略見成效庸田司與各路官同議東西接壘石囤十里其六十里塘下舊河就取土築塘鑿東山之石以備崩損文宗天曆元年十一月都水庸田司言八月十日至十九日正當大汎潮勢不高風平水穩十四日祈請天妃入廟自本州嶽廟東海北護岸鱗鱗相接十五日至十九日海岸沙漲東西長七里餘南北廣或三十步或數十百步漸見南北相接西至石囤已及五都修築捍海塘與鹽塘相連直抵巖門障禦石囤東至十一都六十里塘東

至東大尖山嘉興平湖三路所修處海口自八月一日至二日探海二丈五尺至十九日二十日探之先二丈者今一丈五尺先一丈五尺者今一丈西自六都仁和縣界赭山雷山爲首添漲沙塗已過五都四都鹽官州廊東西二都沙土流行水勢俱淺二十日復巡視自東至西岸脚漲沙比之八月十七日漸增高濶二十七日至九月四日大汎本州嶽廟東西水勢俱淺漲沙東過錢家橋海岸元下石囤木植並無頽圯水息民安於是改鹽官州曰海寧州

龍山河道

龍山河在杭州城外歲久淤塞武宗至大元年江淞省令史裴堅言杭州錢塘江近年以來爲沙塗壅漲潮水遠去離北岸十五里舟楫不能到岸商旅往來募夫搬運十七八里使諸物翔湧生民失所迺運官物甚爲煩擾訪問宋時並江岸有南北古河一道名龍山河今淞江亭南至龍山牒約一十五里糞壤填塞兩岸居民間有侵占迹其形勢宜改脩運河開掘沙土對牒搬載直抵淞江轉入兩處市河免擔負之勞生民獲惠省下杭州路相視錢塘縣城南上隅龍山河至橫河橋委係舊河居民侵占起建房屋若疏

治以接運河公私大便計工十五萬七千五百六十六日役夫五千二百五十二度可三十日畢所役夫於本路錄事司仁和錢塘縣富貴之家差倩就持筐檐鍬鑿應役人日支官糧二升該米三千一百五十一石三斗二升河長九里三百六十二步造石橋八立上下二牒計用鈔一百六十三定二十三兩四錢七分七釐省準咨請丞相脫脫總治其事於仁宗延祐三年三月七日興工至四月十八日工畢

順治戊戌年十月初八日

江寧府儒學教授朱謨校

志卷第十七下

元史六十六

南京國子監祭酒黃儒炳

補刊

司業葉燦

河渠三

黃河

至正四年夏五月大雨二十餘日黃河暴溢水平地深二丈許北决白茅堤六月又北决金堤並河郡邑濟寧單州虞城碭山金鄉魚臺豐沛定陶楚丘武城以至曹州東明鉅野鄆城嘉祥汶上任城等處皆罹水患民老弱多墊壯者流離四方水勢北侵安山沿

入會通運河延袤濟南河間將壞兩漕司鹽場妨國計甚重省臣以聞朝廷患之遣使體量仍督大臣訪求治河方略九年冬脫脫既復爲丞相慨然有志於事功論及河決卽言于帝請躬任其事帝嘉納之乃命集羣臣議廷中而言人人殊唯都漕運使賈魯昌言必當治先是魯嘗爲山東道奉使宣撫首領官循行被水郡邑具得修捍成策後又爲都水使者奉旨詣河上相視驗狀爲圖以二策進獻一議修築北堤以制橫潰其用功省一議疎塞並舉挽河使東行以復故道其功費甚大至是復以二策對脫脫躡其後

策議定乃薦魯于帝大稱旨十一年四月初四日下詔中外命魯以工部尚書爲總治河防使進秩二品授以銀印發汴梁大名十有三路民十五萬人廬州等戍十有八翼軍二萬人供役一切從事大小軍民咸稟節度便宜興繕是月二十二日鳩工七月疏鑿成八月決水故河九月舟楫通行十一月水土工畢諸埽諸堤成河乃復故道南匯于淮又東入于海帝遣貴臣報祭河伯召魯還京師論功超拜榮祿大夫集賢大學士其宣力諸臣遷賞有差賜丞相脫脫世襲荅刺罕之號特命翰林學士承旨歐陽玄製河平

碑文以旌勞績玄旣爲河平之碑文自以爲司馬遷
班固記河渠溝洫僅載治水之道不言其方使後世
任斯事者無所考則乃從魯訪問方略及詢過客質
吏牘作至正河防記欲使來世罹河患者按而求之
其書曰治河一也有疏有濬有塞三者異焉醜河之
流因而導之謂之疏去河之淤因而深之謂之濬抑
河之暴因而扼之謂之塞疏濬之別有四曰生地曰
故道曰河身曰減水河生地有直有紆因直而鑿之
可就故道故道有高有卑高者平之以趨卑高卑相
就則高不壅卑不瀦慮夫壅生潰瀦生堙也河身者

水雖通行身有廣狹狹難受水水溢悍故狹者以計
闢之廣難爲岸岸善崩故廣者以計禦之減水河者
水放曠則以制其狂水隙突則以殺其怒治隄一也
有荆築修築補築之名有刺水隄有截河隄有護岸
隄有縷水隄有石甡隄治埽一也有岸埽水埽有龍
尾欄頭馬頭等埽其爲埽臺及推卷牽制薶掛之法
有用土用石用鐵用草用木用杙用絙之方塞河一
也有缺口有豁口有龍口缺口者已成川豁口者舊
當爲水所豁水退則口下於隄水漲則溢出於口龍
口者水之所會自新河入故道之濼也此外不能悉

書因其用功之次第而就述於其下焉其濬故道深廣不等通長二百八十里百五十四步而強功始自白茅長百八十二里繼自黃陵岡至南白茅闢生地十里口初受廣百八十步深二丈有二尺已下停廣百步高下不等相折深二丈及泉曰停曰折者用古算法因此推彼知其勢之低昂相準折而取勻停也南白茅至劉莊村接入故道十里通折墾廣八十步深九尺劉莊至專固百有二里二百八十步通折停廣六十步深五尺專固至黃固墾生地八里面廣百步底廣九十步高下相折深丈有五尺黃固至哈只

口長五十一里八十步相折停廣墾六十步深五尺乃濬凹里減水河通長九十八里百五十四步凹里村缺河口生地長三里四十步面廣六十步底廣四十步深一丈四尺自凹里生地以下舊河身至張贊店長八十二里五十四步上三十六里墾廣二十步深五尺中三十五里墾廣二十八步深五尺下十里二百四十步墾廣二十六步深五尺張贊店至楊青村接入故道墾生地十有三里六十步面廣六十步底廣四十步深一丈四尺其塞專固缺口修隄三重并補築凹里減水河南岸豁口通長二十里三百十

有七步其朔築河口前第一重西隄南北長三百三十步面廣二十五步底廣三十三步樹置椿樑實以土牛草葦雜稍相兼高丈有三尺隄前置龍尾大埽言龍尾者伐大樹連稍繫之隄旁隨水上下以破嚙岸浪者也築第二重正隄并補兩端舊隄通長十有一里三百步缺口正隄長四里兩隄相接舊隄置椿堵閉河身長百四十五步用土牛草葦梢土相兼修築底廣三十步修高二丈其岸上土工修築者長三里二百十有五步有奇高廣不等通高一丈五尺補築舊隄者長七里三百步表裏倍薄十步增卑六尺

計高一丈築第三重東後隄并接修舊隄高廣不等通長八里補築凹里減水河南岸豁口四處置椿木草土相兼長四十七步於是塞黃陵全河水中及岸上脩隄長三十六里百三十六步其修大隄刺水者二長十有四里七十步其西復作大隄刺水者一長十有二里百三十步內朔築岸上土隄西北起李八宅西隄東南至舊河岸長十里百五十步顛廣四步趾廣三之高丈有五尺仍築舊河岸至入水隄長四百三十步趾廣三十步顛殺其六之一接脩入水兩岸掃隄並行作西掃者夏人水工徵自靈武作東埽

者漢人水工徵自近畿其法以竹絡實以小石每埽不等以蒲葦綿腰索徑寸許者從鋪廣可一二十步長可二三十步又以曳埽索絢徑三寸或四寸長二百餘尺者衡鋪之相間復以竹葦麻絲大綵長三百尺者爲管心索就繫綿腰索之端於其上以草數千束多至萬餘勻布厚鋪於綿腰索之上橐而納之丁夫數千以足踏實推卷稍高卽以水工二人立其上而號於衆衆聲力舉用小大推梯推卷成埽高下長短不等大者高二丈小者不下丈餘又用大索或五爲腰索轉致河濱選健丁操管心索順埽隄立踏或

掛之臺中鐵猫大楸之上以漸縋之下水埽後掘地爲渠陷管心索渠中以散草厚覆築之以土其上復以土牛雜草小埽稍土多寡厚薄先後隨宜脩疊爲埽臺務使牽制上下縝密堅壯互爲犄角埽不動搖日力不足火以繼之積累旣畢復施前法卷埽以厭先下之埽量水淺深制埽厚薄疊之多至四埽而止兩埽之間置竹絡高二丈或三丈圍四丈五尺實以小石土牛旣滿繫以竹纜其兩旁並埽密下大椿就以竹絡上大竹腰索繫於椿上東西兩埽及其中竹絡之上以草土等物築爲埽臺約長五十步或百步

再下埽卽以竹索或麻索長八百尺或五百尺者一
二雜廁其餘管心索之間俟埽入水之後其餘管心
索如前蕪掛隨以管心長索遠置五七十步之外或
鐵猫或大椿曳而繫之通管束累日所下之埽再以
草土等物通脩成隄又以龍尾大埽密掛於護隄大
椿分析水勢其隄長二百七十步北廣四十二步中
廣五十五步南廣四十二步自顛至趾通高三丈八
尺其截河大隄高廣不等長十有九里百七十七步
其在黃陵北岸者長十里四十一步築岸上土隄西
北起東西故隄東南至河口長七里九十七步顛廣

六步趾倍之而強二步高丈有五尺接脩入水施土

牛小埽稍草雜土多寡厚薄隨宜脩疊及下竹絡安

大椿繫龍尾埽如前兩隄法唯脩疊埽臺增用白闌

小石并埽土及前游脩埽隄一長百餘步直抵龍口

稍北欄頭三埽並行埽六隄廣與刺水二隄不同通

前列四埽間以竹絡成一大隄長二百八十步北廣

百一十步其顛至水面高丈有五尺水面至澤腹高

二丈五尺通高三丈五尺中流廣八十步其顛至水

面高丈有五尺水面至澤腹高五丈五尺通高七丈

並朔築縷木橫隄一東起北截河大隄西截西刺水

大隄又一隄東起中刺水大隄西抵西刺水大隄道
長二里四十二步亦頗廣四步趾三之高丈有二尺
脩黃陵南岸長九里百六十步內矧岸上隄東生起
新補白子故隄西南至舊河口高廣不等長八里二
百五十步乃入水作石舡大隄蓋由是秋八月二十
九日乙巳道故河流先所脩北岸西中刺水及截河
三隄猶短約水尚少力未足恃決河勢大南北廣四
百餘步中流深三丈餘益以秋漲水多故河十之八
兩河爭流近故河口水刷岸北行洄漩湍激難以下
掃且埽行或遲恐水盡湧入決河因於故河前功遂

曠曾乃精思障水入故河之方以九月七日癸丑造
流排大舡二十七艘前後連以大桅或長椿用大麻
索行紉縲縛縲為舡舟又用大麻索竹紉用船身繳
繞上下今牢不可破乃以鐵猫於上流礮之水中又
以竹紉縲長七八百尺者繫兩岸大槩上每紉或礮
二舟或三舟使不得下船腹裏鋪散草蒲貯小石以
合子板釘合之後以埽密布合子板上或二重或三
重以大麻索縛之急復縛橫木三道於頭桅皆以索
維之用竹編笆夾以草石立之桅前約長丈餘名曰
水簾梳復以木搭柱使簾不偃仆氣後還水工便捷

者每船各二人率斧鑿立船首尾岸上搥鼓爲號
鳴一時齊鑿頃更無穴水入船沉過決河水怒溢故
河水暴增即重樹水箴令後復布小埽土牛白圍長
稍雜以草土等物隨宜填築以繼之石船下詣實地
出水基趾漸高復卷大埽以壓之前船勢悉定尋用
前法沉餘船以竟後功昏曉百刻役夫分晷甚勞無
少間斷船隄之後草埽三道並舉中置竹絡盛石並
埽置椿繫纜四埽及絡一如脩北截水隄之法第以
中流水湍數丈用物之多施功之大數倍他隄船隄
距北岸纜四三十步勢迫東河一變若自天降深

叵測於是先卷下大埽約高二丈者或四或五始出
水面修至河口一二十步用工尤艱薄龍口喧虺猛
疾勢撼埽基陷裂欹傾俄遠故所觀者股弁衆議騰
沸以爲難合然勢不容已魯神色不動機解捷出進
官吏工徒十餘萬人日加獎諭辭旨懇至衆皆感激
赴功十一月十一日丁巳龍口遂合決河絕流故道
復通又於堤前通卷欄頭埽各一道多者或三或四
前埽出水管心大索繫前埽埽後欄頭埽之後後埽
管心大索亦繫小埽埽前欄頭埽之前後先羈縻以
錮其勢又於所交索上及兩埽之間壓以小石白闌

土牛草土相半厚薄多寡相勢措置埽堤之後自南岸復修一隄抵已閉之龍口長二百七十步船隄四道成隄用農家場圃之具曰輓軸者穴石立木如比櫛薶前埽之旁每步置一輓軸以橫木貫其後又穴石以徑二寸餘麻索貫之繫橫木上密掛龍尾大埽使夏秋潦水冬春凌渾不得肆力於岸此隄接北岸截河大隄長二百七十步南廣百二十步顛至水面高丈有七尺水面至澤腹高四丈二尺中流廣八十步顛至水面高丈有五尺水面至澤腹高五丈五尺通高七丈仍治南岸護隄埽一道通長百三十步南

岸護岸馬頭埽二道通長九十五步修築北岸隄防高廣不等通長二百五十四里七十一步白茅河口至板城補築舊隄長二十五里二百八十五步曹州板城至英賢村等處高廣不等長一百三十三里二百步稍岡至碭山縣增培舊隄長八十五里二十步歸德府哈只口至徐州路三百餘里修完缺口一百七處高廣不等積修計三里二百五十六步亦思刺店縷水月隄高廣不等長六里二十步其用物之凡椿木大者二萬七千榆柳雜梢六十六萬六千帶梢連根株者三千六百藁秸蒲葦雜草以束計者七百

三十三萬五千有奇竹竿六十二萬五千葦蓆十有
七萬二千小石二千艘繩索小大不等五萬七千所
沉大船百有二十鐵纜三十有二鐵猫三百三十有
四竹蔑以斤計者十有五萬碎石三千塊鐵鎖萬四
千二百有奇大釘三萬二千二百三十有二其餘若
木龍蠶椽木麥稽扶椿鐵叉鐵吊枝麻搭火鈎汲水
貯水等具皆有成數官吏俸給軍民衣糧工錢醫藥
祭祀賑恤驛置馬乘及運竹木沉船渡船下椿等工
鐵石竹木繩索等匠傭貲兼以和買民地爲河併應
用雜物等價通計中統鈔百八十四萬五千六百三

十六錠有奇魯嘗有言水工之功視土工之功爲難
中流之功視河濱之功爲難決河口視中流又難北
岸之功視南岸爲難用物之效草雖至柔柔能狎水
水漬之生泥泥與草并力重如碇然維持夾輔纜索
之功實多盖由魯習知河事故其功之所就如此玄
之言曰是役也朝廷不惜重費不吝高爵爲民辟害
脫脫能體上意不憚焦勞不恤浮議爲國拯民魯能
竭其心思智計之巧乘其精神膽氣之壯不惜劬瘁
不畏譏評以報君相知人之明宜悉書之使職史氏
者有所考證也先是歲庚寅河南北童謠云石人一

隻眼挑動黃河天下反及魯治河果於黃陵岡得石
人一眼而汝穎之妖寇乘時而起議者往往以謂天
下之亂皆由賈魯治河之役勞民動衆之所致殊不
知元之所以亡者實基於上下因循狂於宴安之習
紀綱廢弛風俗偷薄其致亂之階非一朝一夕之故
所由來久矣不此之察乃獨歸咎於是役是徒以成
敗論事非通論也設使賈魯不興是役天下之亂詎
無從而起乎今故具錄玄所記庶來者得以詳焉

蜀堰

江水出蜀西南徼外東至于岷山而禹導之秦昭正

時蜀太守李冰鑿離堆分其江以灌川蜀民用以饒
歷千數百年所過衝薄蕩鬻又大爲民患有司以故
事歲治隄防凡一百三十有三所役兵民多者萬餘
人少者千人其下猶數百人役凡七十日不及七十
日雖事治不得休息不役者日出三緡爲庸錢由是
富者屈於貲貧者屈於力上下交病會其費歲不下
七萬緡大抵出於民者十九藏于吏而利之所及不
足以償其費矣元統二年僉四川肅政廉訪司事吉
當普巡行周視得要害之處三十有二餘悉罷之召
灌州判官張弘計曰若甃之以石則歲月可罷民力

可蘇矣弘曰公慮及此生民之福國家之幸萬世之利也弘遂出私錢試爲小堰堰成水暴漲而堰不動乃具文書會行省及蒙古軍七翼之長郡縣守宰下及鄉里之老各陳利害咸以爲便復禱于冰祠卜之吉於是徵工發徒以仍改至元元年十有一月朔日肇事于都江堰卽禹鑿之處分水之源也鹽井關限其西北水西關據其西南江南北皆東行北舊無江水鑿以辟沫水之害中爲都江堰少東爲大小釣魚又東跨二江爲石門以節北江之水又東爲利民臺臺之東南爲侍郎楊柳二堰其水自離堆分流入二

南江南江東至鹿角又東至金馬口又東道大安橋入于成都俗稱大皂江江之正源也北江少東爲虎頭山爲鬪鷄臺臺有水則以尺畫之凡十有一水及其九其民喜過則憂沒其則則困又書深淘灘高作堰六字其旁爲治水之法皆水所爲也又東爲離堆又東過凌虛步雲二橋又東至三石洞醜爲二渠其一自上馬騎東流過鄆入于成都古謂之外江此水所穿二江也南江自利民臺有支流東南出萬工堰又東爲駱駝又東爲碓口繞青城而東鹿角之北涯有渠曰馬灞東流至成都入于南江渠東行二十餘

里水決其南涯四十有九每歲疲民力以塞之乃自其北涯鑿二渠與楊柳渠合東行數十里復與馬灞渠會而渠成安流自金馬口之西鑿二渠合金馬渠東南入于新津江罷藍淀黃水千金白水新興至三利十二堰北江三石洞之東爲外應顏上五斗諸堰外應顏上之水皆東北流入于外江五斗之水南入馬灞渠皆內江之支流也外江東至崇寧亦爲萬工堰堰之支流自北而東爲三十六洞過清白堰東入于彭漢之間而清白堰水潰其南涯延袤三里餘有司因潰以爲堰堰輒壞乃疏其北涯舊渠直流而東

罷其堰及三十六洞之役嘉定之青神有堰曰鴻化則授成其長吏應期而功畢若成都之九里隄崇寧之萬工堰彰之壩口豐潤千江石洞濟民羅脚諸堰工未及施則召長吏勉諭使及農隙爲之諸堰都江及利民臺之役最大侍郎楊林外應顏上五斗次之鹿角萬工駱馳碓口三利又次之而都江又居大江中流故以鐵萬六千斤鑄爲大龜貫以鐵柱而鎮其源然後卽工諸堰皆甃以石範鐵以闕其中取桐實之油和石灰雜麻絲而搗之使熟以苴罅漏岸善崩者密築江石以護之上植楊柳旁種蔓荆櫛比鱗次

賴以爲固蓋以數百萬計所至或疏舊渠以導其流或鑿新渠以殺其勢遇水之會則爲石門以時啓閉而洩蓄之用以節民力而資民利凡智力所及無不爲也初郡縣及兵家共掌都江之政延祐七年其兵官奏請獨任郡縣民不堪其役至是復合焉常歲獲水之利僅數月堰輒壞至是雖緣渠所置碓磴紡績之處以千萬計四時流轉而無窮其始至都江水深廣莫可測忽有大洲湧出其西南方可數里人得用事其間入山伐石崩石已滿隨取而足蜀故多雨自初役至工畢無雨雪故力省而功倍若有相之者五

越月功告成而吉當普以監察御史召省臺上其功詔揭揆斯製文立碑以旌之是役也凡石工金工皆七百人木工二百五十人役徒三千九百人而蒙古軍居其二千糧爲石千有奇石之材取于山者百萬有奇石之灰以斤計者六萬有奇油半之鐵六萬五千斤麻五千斤最其工之直物之價以緡計者四萬九千有奇皆出於民之庸而在官之積者尚餘二十萬一千八百緡責灌守以貸于民歲取其息以備祭祀及淘灘修堰之費仍蠲灌之兵民所常徭役俾其其力於堰事

其代水涇渠

涇渠者在秦時韓使水工鄭國說秦鑿涇水自仲山西抵瓠口為渠並北山東注于洛三百餘里以溉田蓋欲以罷秦之力使無東伐秦覺其謀欲殺之鄭曰臣為韓延數年之命而為秦建萬世之利秦以為然使迄成之號鄭渠漢時有白公者奏穿渠引涇水起谷口入櫟陽注渭中袤二百里溉田四千五百餘頃因名曰白渠歷代因之皆享其利至宋時水衝鬻失其故蹟熙寧間詔賜常平息錢助民興作自仲山旁開鑿石渠從高瀉水名豐利渠元至元間立屯田府

十六又降為州戶七千四百九十二口一萬九百

六十四領縣三秭歸下倚巴東下興山

靖州路下唐為夷播敘二州之境宋為誠州復改

靖州元至元十二年立安撫司明年改靖州路總

管府戶二萬六千五百九十四口六萬五千九百

五十五領縣三永平下會同下通道下

湖南道宣慰司

嶺北湖南道肅政廉訪司

天臨路上唐為潭州長沙郡宋為湖南安撫司元

至元十三年立安撫司十四年立行省改潭州路

總管府十八年遷行省於鄂州徙湖南道宣慰司
治潭州天曆二年以潛邸所幸改天臨路戶六十
萬三千五百一口一百八百一十領司一縣

五州七

錄事司

宋有兵馬司都置又之
元至元十四年改置

縣五

長沙

上倚

善化

倚

衡山

上南

寧鄉

上安化

安化

下

州七

醴陵州

中

唐宋皆為縣元元真元年升州

瀏陽州

中

唐宋皆為縣元元真元年升州

又放西山金口水東流至高麗並合御河接引海運
至大都城內輸納是時脫脫為中書右丞相以其言
奏而行之廷臣多言其不可而左丞許有壬言尤力
脫脫排羣議不納務於必行有壬因條陳其利害畧
曰大德二年渾河水發為民害大都路都水監將金
口下閉閘板五年間渾河水勢甚大郭太史恐衝沒
田葦二村南北二城又將金口已上河身用砂石雜
土盡行堵閉至順元年因行都水監郭道壽言金口
引水過京城至通州其利無窮工部官并河道提舉
司大都路及合屬官負耆老等相視議擬水由二城

中間空礙又
舟上下此乃
十三層溝止
溝立馬頭百
山水勢高峻
决為害亦難
湍急若加以
社覆之所在
保其未無衝
有河道遺跡

盧溝河自橋至合流
不可行船之明驗也
二十里此時若可行
事近便却於四十里
亡金時在都城之北
今則在都城西南與
夏秋霖潦漲溢則不
豆容僥倖於萬一其
决之患且亡金時出
知非作而復設之

處自來未嘗有漁
且通州去京城四
外通州為之又西
流入郊野縱有衝
昔不同此水性本
敢必其無虞宗廟
一時成功亦不能
河未必通行今所
地乎又地形高下

不同若不
泥渾濁必
時也且郭
白浮之水引
清而此水運
一辭以為不
是聽則是商
丞相終不從
口水泥湍勢
民慮舍墳塋

開必致走水淺溢
淤塞每年每月專
史初作通惠河時
入都城以供閘填
濁不可用也此議
可若以為成大功
鞅王安石之法當
遂以正月興工至
急沙泥壅塞船不
夫丁死傷甚衆又

作閘以節之則沙
人挑洗蓋無窮盡之
河不用此水而遠取
人用蓋白浮之永澄
乃與傳聞於外萬口
有不謀於衆人言不
有此議既上
功畢起閘放金
行而開挑之際毀
不費卒以無功

繼而御史劾建言者字羅轄小兒傳佐俱伏誅今
附載其事此用為妄言水利有之戒

志卷第十七下

此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒
此用為妄言水利有之戒

本紀卷第十八

元史六十七

南京國子監祭酒黃儒炳

司業葉燦 補刊

禮樂

傳曰禮者天地之序也樂者天地之和也致禮以治
躬外貊斯須不莊不敬則慢易之心入之矣致樂以
治心中心斯須不和不樂則鄙詐之心入之矣古之
禮樂壹本於人君之身心故其為用足以植綱常而
厚風俗後世之禮樂既無其本唯屬執事者從事其
間故僅足以美聲文而侈觀聽耳此治之所以不如

古也前聖之制至周六備周公相成王制禮作樂而教化大行邈乎不可及矣秦廢先代典禮漢因秦制起朝儀作宗廟樂魏晉而後五胡雲擾秦漢之制亦復不存矣唐初襲用隋禮太常多肄者教坊俗樂而已至宋承五季之衰因唐禮作太常因革禮而所製大晟樂號爲古雅及乎靖康之變禮文樂器掃蕩無遺矣元之有國肇興荆漢朝會燕饗之禮多從本俗太祖元年大會諸侯王于阿難河卽皇帝位始建九斿白旗世祖至元八年命劉秉忠許衡始制朝儀自是皇帝卽位元正天壽筵及諸王外國來朝冊立皇

后皇太子群臣上尊號進太皇太后皇太后冊寶暨郊廟禮成群臣朝賀皆如朝會之儀而大饗宗親錫宴大臣猶用本俗之禮爲多若其爲樂則自太祖徵用舊樂於西夏太宗徵金太常遺樂於燕京及憲宗始用登歌樂祀天於日月山而世祖命宋周臣典領樂工又用登歌樂享祖宗于中書省旣又命王鏞作大成樂詔括民間所藏金之樂器至元三年初用宮縣登歌文武二舞于太廟烈祖至憲宗八室皆有樂章三十年又撰社稷樂章成宗大德間製郊廟曲舞復撰宣聖廟樂章仁宗皇慶初命太常補撥樂工而

元史志卷一
樂制日備大抵其於祭祀率用雅樂朝會饗燕則用燕樂蓋雅俗兼用者也元之禮樂揆之於古固有可議然自朝儀既起規模嚴廣而人知九重大君之尊至其樂聲雄偉而宏大又足以見一代興王之象其在當時亦云盛矣今取其可書者著於篇作禮樂志

制朝儀始末

世祖至元八年秋八月己未初起朝儀先是至元六年春正月甲寅太保劉秉忠大司農孛羅奉旨命趙秉溫史杠訪前代知禮儀者肄習朝儀既而秉忠奏曰二人習之雖知之莫能行也得旨許用十人遂徵

儒生周鐸劉允中尚文岳忱關思義侯祐賢蕭琬徐汝嘉從亡金故老烏古倫居貞完顏復昭完顏從愈葛從亮于伯儀及國子祭酒許衡太常卿徐世隆稽諸古典參以時宜沿情定制而肄習之百日而畢秉忠復奏曰無樂以相須則禮不備奉旨搜訪舊教坊樂工得杖鼓色楊皓笛色曹楫前行色劉進教師鄭忠依律運譜被諸樂歌六月而成音聲克諧陳于萬壽山便殿帝聽而善之秉忠及翰林太常奏曰今朝儀既定請備執禮員有旨命丞相安童大司農孛羅擇蒙古宿衛士可習容止者二百餘人肄之期月七

年春二月奏以丙子觀禮前期一日布綿蕪金帳殿
前帝及皇后臨觀于露階禮文樂節悉無遺失冬十
有一月戊寅秉忠等奏請建官典朝儀帝命與尚書
省論定以聞八年春二月立侍儀司以忽都于思也
先乃爲左右侍儀奉御趙秉溫爲禮部侍郎兼侍儀
司事周鐸劉允中爲左右侍儀使尚文岳忱爲左右
直侍儀事關思義侯祐賢爲左右侍儀副使蕭琬徐
汝嘉爲僉左右侍儀事烏古倫居貞爲承奉班都知
完顏復昭爲引進副使葛從亮爲侍儀署令于伯儀
爲尚衣局大使夏四月侍儀司奏請製內外仗如歷

代故事從之秋七月內外仗成遇八月帝生日號曰
天壽聖節用朝儀自此始

元正受朝儀

前期三日習儀于聖壽萬安寺

或大典
教寺

前二日陳設

于殿庭至期大昕侍儀使引導從護尉各服其服入
至寢殿前捧牙牌跪報外辦內侍入奏出傳制曰可
侍儀俛伏與皇帝出閣陞輦鳴鞭三侍儀使并通事
舍人分左右引擎執護尉劈正斧中行導至大明殿
外劈正斧直正門北向立導從倒卷序立惟扇置于
錡侍儀使導駕時引進使同內侍官引宮人擎執導

從入至皇后宮庭捧牙牌跪報外辦內侍入啟出傳
旨曰可引進使俛伏興皇后出閣陞輦引進使引導
從導至殿東門外引進使分退押直至聖塗之次引
導從倒卷出俟兩宮升御榻鳴鞭三劈正斧退立於
露階東司晨報時雞唱畢尚引引殿前班皆公服分
左右入日精月華門就起居位相向立通班舍人唱
曰左右衛上將軍兼殿前都點檢臣某以下起居尚
引唱曰鞠躬曰平身引至丹墀拜位知班報班齊宣
贊唱曰拜通贊贊曰鞠躬曰拜曰興曰拜曰興曰都
點檢稍前宣贊報曰聖躬萬福通贊贊曰復位曰拜

曰興曰拜曰興曰平身曰搢笏曰鞠躬曰三舞蹈曰

跪左膝三叩頭曰山呼曰山呼曰再山呼

凡傳山呼控鶴呼諫應和

曰萬歲傳再山呼應曰出笏曰就拜曰興曰拜曰興曰

曰萬萬歲後倣此拜曰興曰平立宣贊唱曰各恭事兩班點檢宣徽將軍

分左右升殿宿直以下分立殿前尚廐分立仗南管

旗分立大明門南楹俟后妃諸王駙馬以次賀獻禮

畢典引引丞相以下皆公服入日精月華門就起居

位通班唱曰文武百僚開府儀同三司錄軍國重事

監修國史右丞相具官無常臣某以下起居典引贊曰鞠

躬曰平身引至丹墀拜位知班報班齊宣贊唱曰拜

順治十五年刊

通贊贊曰鞠躬曰拜曰興曰拜曰興曰平身曰搯笏
 曰鞠躬曰三舞蹈曰跪左膝三叩頭曰山呼曰山呼
 曰再山呼曰出笏曰就拜曰興曰拜曰興曰拜曰興
 曰平身侍儀使詣丞相前請進酒雙引升殿前行樂
 工分左右引登歌者及舞童舞女以次升殿門外露
 階上登歌之曲各有名音中本月之律先期儀鳳司
運譜翰林院
撰辭丞相至宇下褥位立侍儀使分左右北向立俟
 前行色曲將半舞旋列定通贊唱曰分班樂作侍儀
 使引丞相由南東門入宣徽使奉隨至御榻前丞相
 跪宣徽使立于東南曲終丞相祝贊曰溥天率土祈

天地之洪福同上皇帝皇后億萬歲壽宣徽使荅曰
 如所祝丞相俛伏興退詣進酒位尚醞官以觴授丞
 相丞相搯笏奉觴北面立宣徽使復位前行色降舞
 旋至露階上教坊奏樂樂舞至第四拍丞相進酒皇
 帝舉觴宣贊唱曰殿上下侍立臣僚皆再拜通贊贊
 曰鞠躬曰拜曰興曰拜曰興曰平身丞相三進酒畢
 以觴授尚醞官出笏侍儀使雙引自南東門出復位
 樂止至元七年進酒儀班首至殿前褥位立前行進
曲尚醞官執空盃自正門出授班首班首搯笏
執空盃由正門入至御榻前跪俟曲終以盃授尚醞
官出笏祝贊宣徽使曰諾班首俛伏興班首宣徽使
由南東門出各復位班首以下舞蹈山呼三拜百官
分班教坊奏樂尚醞官進酒殿上下侍立臣僚皆再
 順治十五年刊

拜三進酒畢班首降至丹墀至元十八年十二月二十八日改今儀

通贊贊曰合班禮部官押進奏表章禮物二案至橫階下宣禮物舍人

進讀禮物日至第二重階俟進讀表章官等

翰林院國史院屬官一

至宇下齊跪宣表日舍人先讀中外百司表日

翰林院官讀中書省表畢皆俛伏與退降第一重階

下立俟進讀禮物舍人陞階至宇下跪讀禮物日畢

俛伏與退同降至橫階隨表章西行至右樓下侍儀

仍領之禮物東行至左樓下太府受之宣贊唱日拜

通贊贊日鞠躬日拜日與日平身日搢笏日鞠躬日

三舞蹈日跪左膝三叩頭日山呼日山呼日再山呼

贊日就拜日興日拜日興日拜日興日平立僧

老外國蕃客以次而賀禮畢大會諸王宗親駙

驎宴饗殿上侍儀使引丞相相等陞殿侍宴凡大

宴不過一羊雖多必以獸人所獻之鮮及脯鱗折

之半預宴之服衣服同制謂之質孫

四品以下酒殿上與引引五品以下賜酒于日精

月華二門之下宴畢鳴鞭三侍儀使導駕引進使導

右還寢殿如來儀

天壽聖節受朝儀

郊廟禮成受賀儀

元正儀

皇帝即位受朝儀

前期三日習儀于萬安寺前二日陳設于殿庭前一
日設宣詔位于闕前至期大昕侍儀使引導從護尉
各服其服至皇太子寢閣前捧牙牌跪報外辦內侍
傳曰可侍儀使俛伏興皇太子出閣侍儀使前導
由崇天門入升大明殿引進使引導從至皇太子妃
閣前跪報外辦內侍出傳旨曰可引進使俛伏興前
導由鳳儀門入俟諸王以國禮扶皇帝登寶位畢鳴
鞭三尚引引點檢以下皆公服入就起居位
正朝兩班點檢宣徽將軍宿直尚廐管旗各恭事俟

后妃諸王駙馬以次登殿禮畢參議中書省事四人
以篚奉詔書由殿左門入至御榻前參議中書省事
跪奏詔文俛伏與以詔授典瑞使押寶畢置于篚對
舉由正門出樂作至闕前以詔置于案文武百僚各
公服就位北向立侍儀使稱有制宣贊唱曰拜通贊
贊曰鞠躬曰拜曰興曰拜曰興曰平身曰班首稍前
引引班首至香案前通贊贊曰跪曰在位官皆跪
香贊曰拈笏通贊贊曰上香曰上香曰三上香曰
出笏曰就拜曰興曰復位宣贊唱曰拜通贊贊曰鞠
躬曰拜曰興曰拜曰興曰平身侍儀使以詔授左司

郎中郎中跪吏同譯史稍西陞木榻東向宣讀通贊
贊曰在位官皆跪讀詔先以國語宣讀隨以漢語譯
之讀畢降榻以詔授侍儀使侍儀使置于案通贊贊
曰就拜曰興曰拜曰興曰拜曰興曰摺笏曰鞠躬曰
三舞蹈曰跪左膝三叩頭曰山呼曰山呼曰再山呼
公謂曰就拜曰興曰拜曰興曰拜曰興曰平立興
丞相以下皆公服入起居位醜拜曰興曰平立興
宴畢鳴鞭三侍儀使導駕引進使導后入寢
宮道未儀次日以詔頒行
群臣上皇帝尊號禮成

前期一日儀鸞司設大次于大明門外又設進冊案
于殿內御座前之西進寶案于其東設受冊案于御
座上之西受寶案于其東侍儀司設冊案于香案南
寶案又于其南禮儀使位于前冊使冊副位于廷中
北面引冊奉冊舉冊讀冊捧冊官位于右引寶奉寶
舉寶讀寶捧寶官位于左以北爲上百官自金玉府
迎冊寶奉安中書省如常儀前期一日右丞相率公
卿朝服儀衛音樂導冊寶二案出自中書至闕前控
鶴奠案方輿中道冊使等奉隨入大次內方輿奠案
侍儀使引冊使以下由左門以出百官趨退至期大

所右丞相以下百官各公服集闕廷儀仗護尉就位
侍儀使禮儀使引導從導皇帝升大明殿引進使引
導從導皇后升殿尚引引殿前班入起居位起居山
呼拜舞畢宣贊唱曰各恭事皇太子諸王后妃公主
以次升殿鳴鞭三侍儀使引册引寶導册寶由正門
入樂作奉册使右丞相率册官由右門入奉寶使御
史大夫率寶官由左門入至殿下置册案于香案南
寶案又奠于其南樂止侍儀使引册使以下就起居
位典引引群臣入就位通班舍人唱曰文武百僚具
官臣某以下起居典引贊曰鞠躬曰平身引至丹墀

拜位宣贊唱曰拜通贊贊拜舞蹈山呼如常儀畢承
奉班都知唱曰奉册使以下進上册寶侍儀司引册
使以下進就位樂作掌儀贊曰奉册寶官稍前搢笏
捧册寶侍儀使前導由中道升正階立宇下俟奉册
使諸册官由右階躋奉寶使諸寶官由左階躋畢俱
由左門入奉册寶至御榻褥位前册西寶東樂止掌
儀贊曰捧册寶官稍前以册寶跪置于案曰出笏曰
就拜曰典曰平身曰復位曰奉册使以下皆跪曰舉
册官與俱至案前跪曰搢笏取册于匣置于盤對舉
曰讀册官與俱至案前跪曰讀册讀册官稱臣某謹

讀冊讀畢舉冊官納冊於匣與以授典瑞使出笏立于冊案西南典瑞使置于受冊案掌儀贊曰舉寶官與俱至案前跪曰摺笏取寶于盃對舉曰讀寶官與俱至案前跪曰讀寶讀寶官稱臣某謹讀寶讀畢舉寶官納寶于盃與以授典瑞使出笏立于寶案東南典瑞使置于受寶案掌儀贊曰奉冊使以下皆就拜曰與曰平身參議中書省事四人以篚奉詔書由殿左門入至御榻前跪讀詔文如常儀授典瑞使押寶畢置于篚對舉由正門出至丹墀北置于詔案冊使以下由南東門出就位聽詔如儀儀贊使四人昇進

冊寶案由左門出侍儀使引班首由左階階前行色樂作至宇下樂止舞旋至露階立班首入殿宣徽使奉隨班首跪宣徽使西北向立班首致詞曰冊寶禮畢願上皇帝皇后萬萬歲壽宣徽使應曰如所祝樂作通贊唱曰分班進酒畢班首由南東門出降階復位樂止通贊唱曰合班奏進表章禮物贊拜舞蹈山呼錫宴並如元正之儀

冊立皇后儀

前期二日儀鸞司設發冊寶案于大明殿御座前稍西設發寶案稍東掌謁設香案于皇后殿前設冊案

子殿內座榻前稍西寶案稍東設受冊案于座榻上
稍西設受寶案于稍東侍儀司設板位冊使副位于
廷中北面冊官位于右寶官位于左禮儀使位于冊
案前主節位于太尉左皇后殿廷亦如之至期大所
引贊叙太尉以下于闕廷各公服侍儀使禮儀使引
冊使引冊奉冊舉冊讀冊捧冊官由月華門入侍儀
使禮儀使引冊副引寶奉寶舉寶讀寶捧寶官由日
精門入至露階下依板位立侍儀使捧牙牌入至寢
殿前跪報外辦內侍入奏出傳制曰可侍儀使悅伏
與皇帝出閣升輦鳴鞭三侍儀使引導送皇帝入

大明殿陞御座鳴鞭三司晨報時雞鳴
前班入起居位起居位如如宣贊唱曰各
引冊使以下入就位掌儀舍人引承奉班
使禮儀使主節捧冊捧寶官升自左階曰
至御座前分左右相向立掌儀贊曰禮儀
曰太尉以下皆跪禮儀使跪奏請進發皇
儀贊曰就拜曰興曰平身曰太尉以下皆
掌儀贊曰內謁者稍前曰摺笏曰捧冊寶
曰以冊寶授捧冊寶官捧冊寶官跪受興
掌儀贊曰內謁者稍前曰摺笏曰捧冊寶
三節官摺笏持節禮儀使引節導冊寶由
門出至

露階南向立禮儀使稱有制承奉班都知
以下皆拜通贊曰鞠躬曰拜曰興曰拜
身禮儀使宣制曰命太尉某等持節授皇
贊贊曰鞠躬曰拜曰興曰拜曰平身
下依次就位掌儀唱曰以冊寶置于案曰
位方輿昇以行樂作侍儀使禮儀使引太
官奉隨至皇后宮庭奠案樂止掌儀唱曰
稍前摺笏捧冊寶使太尉以下奉隨由正
前掌儀贊曰以冊寶置于案曰出笏曰復
稍前跪報外辦內侍入啓出傳旨曰可待
儀使悅伏

六皇后出閣詣褥位太尉稱制遣臣某等恭授皇后
冊寶內侍贊禮曰跪掌儀贊曰太尉以下皆跪內侍
贊皇后曰上香曰上香曰二上香曰拜曰興曰拜曰
興掌儀贊曰太尉以下皆興皇后陞殿立于慈榻前
承奉班都知唱曰太尉以下進冊寶堂儀唱曰捧冊
寶官稍前摺笏捧冊寶由正門至殿內堂儀贊曰以
冊寶跪置于案曰捧冊寶官出笏興復位曰太尉以
下皆跪曰舉冊官興至案前跪曰摺笏取冊于匣置
于盤對舉曰讀冊官興至案前跪曰讀冊官得
臣某謹讀冊讀畢納冊于匣掌儀贊曰出笏舉冊官

興至案前跪擗笏取寶于盥對舉曰讀寶官興至案前跪曰讀寶讀寶官稱臣某謹讀寶讀畢納寶于案掌儀贊曰出笏曰太尉以下皆就拜曰興曰平身序冊寶官以冊寶授太尉太尉以授掌謁掌謁以冊寶置案受冊寶案掌儀唱曰太尉以下跪曰衆官皆跪太尉致祝辭曰冊寶禮畢伏願皇后與天同筭司徒應曰如所祝就拜興平身太尉進酒樂作皇后飲畢樂止禮儀使引節引主節由正門以出侍儀使引太尉以下由左門至階下北面立奉案班都知唱曰太尉以下皆再拜通贊曰鞠躬興曰興曰拜曰興曰

平立侍儀使引太尉以下還詣皇帝御座前跪奏曰奉制授皇后冊寶謹以禮畢就拜興由左門以出降詣旁折位侍儀使引導從導皇后詣大明殿前謝恩掌謁贊曰拜曰興曰拜曰興侍儀使分退掌謁導皇后升御座典引引丞相以下入起居位起居侍儀使詣右丞相前請進酒雙引升殿至宇下褥位立侍儀使分左右北向立俟前行色曲將半舞旋列定通贊唱曰分班樂作侍儀使引右丞相由南東門入旨微使奉隨至御榻前右丞相跪宣微使立于東南曲終右丞相祝贊曰冊寶禮畢臣等不勝慶抃同上皇

帝皇后萬萬歲壽宣徽使應曰如所祝右丞相俛伏

與退詣進酒位進酒進表章禮物贊拜會宴畢鳴

鞭三侍儀使導駕引進使導后還寢殿如來儀

無立皇太子儀

前期三日右丞相率百僚至金玉局冊寶案前

贊曰鞠躬曰拜曰興曰拜曰興曰平身曰班首稍前

曰跪曰在位官皆跪曰搢笏曰上香曰上香曰三上

香曰出笏曰就拜曰興曰拜曰興曰拜曰興曰平身

侍儀使舍人分引群臣儀衛音樂導至中書省正位

安置前期二日儀鸞司設發冊案于大明殿御座西

發寶案于東典寶官設香案于太子殿前階上設冊

案于西寶案于東又設受冊案于殿內座榻之西受

寶案于東侍儀司設板位太尉冊使副位于大明殿

廷太尉位居中冊官位于右寶官位于左禮儀使位

于前主節官位于太尉之左太子殿廷亦如之樂位

布置亦如之右丞相率百僚朝服至中書省冊寶案

前敘立定舍人贊曰鞠躬曰拜曰興曰拜曰興曰平

身曰班首稍前曰跪曰搢笏曰在位官皆跪曰上香

曰上香曰三上香曰出笏曰就拜曰興曰拜曰興曰

拜曰興曰平立舍人分引群臣儀衛導從音樂傘扇

導至闕前控鶴奠案方輿官舁之由中道入崇天門
冊使以下奉隨至露階下方輿官置冊案于西寶案
于東分退立于兩廡冊使副北面引冊官舉冊官讀
冊官捧冊官位于冊案西東向引寶官舉寶官讀寶
官捧寶官位于寶案東西向掌儀舍人贊曰捧冊官
稍前曰搢笏曰捧冊又贊曰捧寶官稍前曰搢笏曰
捧寶侍儀使引進使引冊官引寶官前導捧冊寶官
次之冊使副以下奉隨升大明殿午階由正門入至
進發冊寶案前冊使副北面立引冊官引寶官舉冊
官舉寶官以下分左右夾冊寶案正掌儀贊曰以冊

寶置于案日出笏曰復位侍儀使引奉冊使以下由
左門出百辟趨退至期大昕引贊引冊使以下皆公
服叙位于闕廷侍儀使導從皇帝出閣鳴鞭三陞大
明殿登御座尚引引殿前班入起居位起居贊拜如
儀宣贊唱曰各恭事引贊引冊使以下入就位掌儀
舍人引承奉班都知侍儀使禮儀使主節郎捧冊捧
寶官升自左階由左門入至御座前分左右立掌儀
贊曰禮儀使稍前曰跪曰衆官皆跪禮儀使奏請發
皇太子冊寶掌儀唱曰就拜曰興曰平身曰衆官皆
興曰復位曰內謁者稍前曰搢笏曰捧冊寶跪進皇

帝曰以冊寶授捧冊寶官捧冊寶官跪受興掌儀贊曰主節郎搢笏持節禮儀使引節導冊寶由正門以出至露階南向立禮儀使稱有制承奉班都知唱曰太尉以下皆再拜掌儀贊曰鞠躬曰拜曰興曰拜曰興曰乎身禮儀使宣制曰上命太尉等持節授皇太子冊寶掌儀贊曰鞠躬曰拜曰興曰拜曰興曰平身禮儀使引節導冊寶降至露階下依次就位掌儀贊曰以冊寶置于案曰出笏曰復位方興昇以行樂作侍儀使禮儀使主節前導冊使以下奉隨由正門出至闕前方興奠案控鶴昇以行至皇太子殿廷控鶴

其案方興昇以行入至露階下奠案方興退樂止冊使以下以次立掌儀贊曰捧冊寶官稍前搢笏捧冊寶侍儀使引節主節導冊寶以行冊使以下由正階階節立于香案之西掌儀贊曰捧冊寶官跪以冊寶置于案曰出笏曰興曰就右庶子跪報外備內侍入啓山傳旨曰可右庶子跪伏興皇太子出閣立于香案前掌儀贊曰皇太子跪曰上香曰上香曰三上香曰拜曰興曰拜曰興太尉以前稱制遣臣某等恭授皇太子冊寶復位掌儀贊曰皇太子拜曰興曰拜曰興皇太子跪曰諸執事

言皆跪曰舉冊官與三案前曰跪曰讀冊讀畢曰納冊二匡曰出笏掌儀唱曰舉寶官與三案前曰跪曰讀寶讀畢曰納寶于盃曰出笏曰舉冊寶官與三案前曰跪曰進授冊寶侍儀使引太尉司徒至冊寶案前摺笏以冊寶跪進皇太子恭受以授左右庶子左右庶子搢笏跪受掌儀贊曰皇太子與冊使以下皆興右庶子捧冊左庶子捧寶道皇太子入殿右庶子奠冊于亭八冊案左庶子奠寶于受寶案引節引主節立于殿西北引贊引太尉以下降階復位北向立承泰班都知唱曰太尉以下皆再拜

掌儀贊曰鞠躬曰拜曰興曰拜曰興曰平身樂作侍儀使詣太尉前請進酒太尉入至殿內進酒畢降復位樂止侍儀使禮儀使主節導太尉以下還詣大明殿御座前跪奏曰奉制授皇太子冊寶謹以禮畢俯伏興降詣位侍儀使左右庶子導皇太子詣大明殿御座前謝恩右庶子贊曰拜曰興曰拜曰興進酒又贊曰拜曰興曰拜曰興降殿還府侍儀使詣右丞相前請進酒贊引升殿至宇下褥位立侍儀使分左右北向立俟前行色曲將半舞旋列定通贊唱曰分班樂作侍儀使右丞相白南東門入宣徽使奉隨至御

場前右丞相跪宣徽使立于東南曲終右丞相祝贊
曰皇太子冊寶禮畢臣等不勝慶抃同上皇帝皇后
萬萬歲壽宣徽使應曰如所祝右丞相俛伏興退詣
進酒位進酒進表章禮物贊拜如元正儀駕輿鳴鞭
三侍儀使導駕還寢殿如來儀皇太子還府陞殿典
引引駕入就起居位通班自班西行至中道唱曰
具官以下起居典引贊曰鞠躬曰拜曰興曰贊曰
宣贊唱曰拜通贊贊曰鞠躬曰拜曰興曰贊曰
平身侍儀使詣班首前請進酒雙引由左階至殿宇
下褥位立侍儀分左右北向立俟前行色曲將率舞

旋列定通贊唱曰分班班首入自左門右庶子隨至
座前班首跪右庶子立于東南俟曲終班首致祝詞
曰冊寶禮畢願上殿下千秋之壽右庶子應曰如所
祝班首俛伏興退至進酒位搯笏捧觴北向立右庶
子退復位俟舞旋至露階樂舞至第四拍班首進酒
宣贊唱曰文武百僚皆再拜通贊贊曰鞠躬曰拜曰
興曰拜曰興曰平身班首自東門出復位樂止通贊
唱曰合班中書押進箋及禮物案至橫階下進讀箋
官由左階階進讀禮物官至階下俟進讀箋官至宇
下先讀箋目次讀箋讀畢俛伏興降至階下進讀禮

物官升階至宇下跪讀禮物狀畢俛伏興退同讀箋
官至橫階隨箋案西行至右廡下禮物案東行至左
廡下各付所司宣贊唱曰拜通贊贊曰鞠躬曰拜曰
興曰拜曰興曰平立右庶子導皇太子還閣

太皇太后上尊號進冊寶儀

前期二日儀鸞司設進發冊寶案于大明殿御座之
前掌謁設進冊寶案于太皇太后殿座榻前設受冊
寶案于座榻上並冊西寶東侍儀司設冊使副位于
廷中北面冊官位右寶官位左禮儀使位于前以北
爲上太皇太后殿廷亦如之至期太昕羣臣皆公服

叙位闕前侍儀使禮儀使引冊使引冊奉冊舉冊讀
冊捧冊官由月華門入侍儀使禮儀使引冊副引寶
奉寶舉寶讀寶捧寶官由日精門入至露階下依板
位立侍儀使捧牙牌入至寢殿前跪報外辦內侍入
奏出傳制曰可侍儀使俛伏興皇帝出閣升輦鳴鞭
三人大明殿陞御座鳴鞭三司晨報時雞唱畢侍儀
使禮儀使引冊使以下陞自東階由左門入至御榻
前相向立掌儀贊曰奏中嚴侍儀使捧牙牌跪奏曰
中嚴又贊曰就拜曰興曰平身曰復位曰禮儀使稍
前跪曰冊使以下皆跪禮儀使奏請進發太皇太后

冊寶掌儀贊曰就拜曰興曰平身曰復位曰內謁者
稍前曰摺笏奉冊寶上進曰冊使副捧冊寶官稍前
曰摺笏曰內謁者跪進冊寶皇帝興以冊授冊使冊
使跪受興以授捧冊官出笏侍儀使禮儀使引冊引寶官導
興以授捧寶官出笏侍儀使禮儀使引冊引寶官導
冊寶由正門出冊使以下奉隨至階下掌儀贊曰以
冊寶置於案曰出笏復位方輿昇行樂作侍儀使禮
儀使引冊引寶前導冊使以下奉隨至興聖宮前奠
案樂止侍儀使以導從入至太皇太后寢殿前跪報
外辦掌謁入啓出傳旨曰可侍儀使俛伏興侍儀使

掌謁前導太皇太后陸殿導太皇太后時侍儀使入
至大明殿跪奏無寶至興聖宮請行禮駕興鳴鞭二
侍儀使前引道從至興聖宮陞御座侍儀使出至案
所坐作方輿入至露階下奠案冊使副立于案前冊
官由小向齊管西向方輿分退立于兩廡樂止尚引引
殿前班入起居位相向立起居拜舞如元正儀禮畢
宣贊唱曰各恭事贊引冊使以下退至起居位通班
合人唱曰攝某官具官職姓籍與臣某以下起居引
齊贊唱曰平身進入丹陛知班唱曰班齊宣贊
唱曰拜通贊贊曰鞠躬曰拜曰興曰拜曰興曰平身

宣贊曰各恭事進至案前依位立宣贊唱曰太尉
以下進上冊寶掌儀贊曰捧冊寶官稍前搢笏捧冊
儀使引冊寶官前導冊使奉隨至御榻進冊寶
掌儀贊曰跪捧冊寶官不跪曰以冊寶置于案
冊寶官出笏復位曰太尉以下皆跪曰讀畢冊
冊俱至案前跪堂儀贊曰舉冊官搢笏取冊于
于盤對舉曰讀冊讀冊官稱臣某謹讀冊讀畢
管納冊于匣堂儀贊曰出笏曰舉寶官搢笏取
蓋對舉曰讀寶讀寶官稱臣某謹讀寶讀畢舉
寶官納寶于蓋堂儀贊曰出笏曰就拜曰興曰平身

曰眾官皆興曰復位曰太尉司徒奉冊寶官稍前曰
捧冊寶官稍前曰搢笏曰捧冊寶上進曰皇帝躬投
太皇太后冊寶太皇太后以冊寶授內掌謁內堂謁
置于案皇帝興進酒太皇太后舉觴飲畢皇帝復
座畢堂儀贊曰眾官皆復位侍儀使引冊使以下分
左右出就位皇帝率皇后及后妃公主降丹墀面
拜賀陛殿皇太子及諸王拜賀陛殿儀引引百官入
就起居位通班舍人唱曰文武百僚具官臣某以下
跪起居曰平身引至丹墀拜位知班報班之禮
贊唱曰拜通贊贊曰鞠躬曰拜曰興曰拜曰興曰

奉侍儀使詣班首前請進酒雙引至殿宇下
俟舞旋列定通贊唱曰分班樂作侍儀使引班首
南東門入宣徽使奉隨至御榻前班首跪曲終
祝贊曰冊寶禮畢臣等不勝欣抃願上太皇太后
帝億萬歲壽宣徽使應曰如所祝班首俛伏與
進酒位
皇太后上尊號進冊寶儀
太皇太后加上尊號進冊寶儀
冊寶道從
清道官二人警蹕二人並分左右皆攝官服本

服備勤一人服本

雲和樂一部署令二人分左右次前行戲竹一次排

簫四次簫管四次板二次歌四並分左右前行內琵琶

二十次箏十六次篪十六次箏十六次方響八

次頭管二十八次龍笛二十八為三十三重重四次

杖鼓三十為八重次板八為四重板內大鼓二工二

人昇八人樂工服並與鹵簿同法物庫使二人服本

品服次朱團扇八為二重次小雉扇八次中雉扇八

次大雉扇八分左右為十二重次朱團扇八為二重

次大傘二次華蓋二次紫方傘二次紅方傘二次曲

順治十六年刊

蓋二並分左右執傘扇所服並同立仗
圍子頭一人中道次圍子八人分左右服與鹵簿內
同服次大團扇八人爲二重次小鼓八人爲二重前
安和樂一部署令二人服本品服札鼓六爲二重前
四後二次和鼓一中道次板二分左右次龍笛四次
頭管四並爲二重次羌管二次笙三並分左右次雲
璈二中道次箏二分左右樂工服與鹵簿內同服人
傘四中道椅左踏右執人皂中大團花緋錦襖金塗
銅束帶行膝鞋鞵二人服本品服
拱衛使一人服本品服

舍人二人次引寶官二人並分左右服四品服

香案中道輿士控鶴八人服同立仗內表案輿士侍
香二人分左右服四品服

寶案中道輿士控鶴十有六人服同香案輿士方輿
官三十人夾香案寶案分左右而趨至殿門則控鶴
退方輿官昇案以陞唐巾紫羅窄袖衫金塗銅束帶
烏靴四十八人夾圍外舍人二人服四品服次小舞四

引冊二人四品服

香案中道輿士控鶴八人服同寶案輿士侍香二人
分左右服四品服

冊案中道輿士控鶴十有六人服同寶案輿士方輿
官三十人夾香案冊案分左右而趨至殿門則控鶴
退方輿官昇案以陞巾服與寶案方輿官同

葆蓋四十二人次閱仗舍人二人服四品服次小戟四
十人次儀鎧四十人夾雲和樂傘扇分左右行服同
立仗十人次香案寶案分式成而趨至殿門則控鶴

供衛使二人服本品朝服次班劍十次梧杖十二次
斧士二次鐙杖二十次列絲十皆分左右次水觀左
金盆右次列絲十次立瓜十次金機左鞭桶右蒙鞍
左散手右次立瓜十次臥瓜三十並夾葆蓋小戟儀

邊分左右行服並同齒薄內

拱衛外舍人二人服四品服引導冊諸官次從九品

以上次從七品以上次從五品以上並本品朝服

金吾折衝二人牙門旗二每旗引執五人次青稍四

十人赤稍四十人青稍四十人白稍四十人紫稍四

十人並堯蓋甲靴各隨稍之色行道冊官外

冊案後舍人二人服四品服次太尉右司徒左次禮

儀使二人分左右次舉冊官四人右舉寶官四人左

次讀冊官二人右讀寶官二人左次閣門使四人分

左右並本品服

知班六人分左右服同立
儀往來視諸官之失儀者
而行罰焉

冊寶儀官

上尊號冊寶凡攝官二百一十有六人奉冊官四人
奉寶官四人捧冊官二人捧寶官二人讀冊官二人
讀寶官二人引冊官五人引寶官五人典瑞官三人
糾儀官四人殿中侍御史二人監察御史四人閣門
使三人清道官四人點禁儀衛五人司香四人備顧
問七人代禮官三十人拱衛使二人押仗二人方輿
一百六十人

皇太后冊寶凡攝官百五十人攝太尉一人攝司
徒一人禮儀使四人奉冊官二人奉寶官二人引冊
官二人引寶官二人舉冊官二人舉寶官二人讀冊
官二人讀寶官二人捧冊官二人捧寶官二人奏中
嚴一人主當內侍十人問門使六人充內臣十三人
糾儀官四人代禮官四十二人掌鵠四人司香十二
人折衝都尉二人拱衛使二人清道官四人警蹕官
四人方輿二百一十七人

上太皇太后冊寶攝官同前

授皇后冊寶凡攝官百八十八人攝太尉一人攝司徒

一人主節官二人禮儀使四人奉冊官二人奉寶官
二人引冊官二人引寶官二人舉冊官二人舉寶官二
人讀冊官二人讀寶官二人內臣職掌十人宣微使
二人閤門使四人儀禮官三十七人侍香二人清道
官四人折衝都尉三人警蹕官四人中宮內臣九人
糾儀官四人接冊內臣二人接寶內臣二人方輿官
七十四人

授皇太子冊凡攝官四十有九人攝太尉一人奉冊
官二人持節官一人捧冊官二人讀冊官二人引冊
官二人攝禮儀使二人主當內侍六人副持節官五

天待從官十二人代禮官十六人

攝行告廟儀

如受尊號上太皇太后皇太后
冊寶冊立皇太后太子此國家
大典禮告

前期二日太廟令攝除內外翰林國史院學士撰寫

祝文前一日告官等致齋一日其日告官等各服紫

服奉祝版進請御署訖差控鶴用紅羅銷金案擡昇

覆以黃羅帕并奉御香御酒如常儀迎至祀所齋宿

告日實明前三刻禮直官引太廟令率其屬入廟殿

闕室陳設如儀禮直官引告官等各服紫服以次入

就位東向立定禮直官稍前贊曰有司謹具請行事

贊者曰再拜在位者皆再拜禮宜官先引執事者各就位次引告官詣盥洗爵洗位北向立搢笏盥手悅手洗爵拭爵訖執笏爵授奉爵官執笏詣太祖室再舉爵良醞令酌酒以爵授奉爵官執笏詣三祭酒以拜執事者奉香告官搢笏跪三上香執爵三祭酒以虛爵授奉爵官執笏俛伏興舉祝官搢笏跪對舉祝版讀祝官跪讀祝文訖奠祝於案執笏俛伏興禮宜官贊告官再拜畢每室並如上儀告畢引告官以下降復位再拜訖詣望燎壇祝再拜畢燎告官以下皆退

國史院進先朝實錄儀

是日大昕諸司官具實錄案以入監修國立皇帝陞御座宣贊興曰拜曰興曰平自修國史以下奉隨至奉翰林文字陞至寶翰林學士承旨陞至宣贊唱曰監修國史拜曰興曰拜曰興曰平身待制陞取實錄降自午階

置于案由光天門以
出音樂儀從前導遠國文院置
于堂上通贊贊曰鞠
躬曰拜曰興曰拜曰興曰平身
曰揖笏曰上香曰上
香曰三上香曰出笏曰就拜曰
興曰拜曰興曰拜曰
興曰平立百僚趨退

志卷第十八
元史卷第十八
元史卷第十八

志卷第十九

翰林學士要李和制諸儀修國史

禮樂二

制樂始末

太祖初年以河西高智輝言徵用西夏舊樂太宗十
年十一月宣聖五十一代孫衍聖公元措來朝言于
帝曰今禮樂散失燕京南京等處亡金太常故臣及
禮冊樂器多存者乞降旨收錄於是降旨令各處管
民官如有亡金知禮樂者其人可并其家屬徙赴東平

令元措領之於本路稅課所給其食十一年元措奉
旨至燕京得金掌樂許志掌禮王節及樂工翟剛等
九十二人十二年夏四月始命製登歌樂肄習于曲
亭宣聖廟十六年太常用許政所舉大樂令苗蘭詣
東平指授工人造琴十張一絃三絃五絃七絃九絃
者各二憲宗二年三月五日命東平萬戶嚴忠濟立
局製冠冕法服鐘磬笛箏篋儀物肄習五月十三日召
太常禮樂人赴日月山八月七日學士魏祥卿徐世
全郎中姚樞等以樂工李明昌許政吳德段楫寇忠
二廷年趙德等五十餘人見于行宮帝問制作禮樂
之始世隆對曰堯舜之世禮樂興焉時明昌等各執
鐘磬笛箏篋填巢笙於帝前奏之曲終復合奏之凡
三終十一日始用登歌樂祀昊天上帝于日月山祭
畢命驛送樂工還東平三年時世祖居潛邸命勾當
東平府公事宋周臣兼領大樂禮官樂工入等常令
肄習仍令萬戶嚴忠濟依已降旨存恤六年夏五月
世祖以潛邸次灤州下教命嚴忠濟督宋周臣以所
得禮樂舊人肄習宜如故事勉行之毋忽冬十有一
月敕樂工老不堪任事者以子孫代之不足者以他
戶補之中統元年春正月命宣撫廉希憲等召太常

禮樂入至燕京夏六月命許唐臣等製樂器公服法
服秋七月七日工畢十一日日用新製雅樂享祖宗于
中書省禮畢賜預祭官及禮樂人百四十九人鈔有
差八月命太常禮樂人復還東平二年秋九月敕太
常少卿王鏞領東平樂工常加督視肄習以備朝庭
之用五年太常寺言自古帝王功成作樂樂各有名
盛德形容於是乎在伏觀皇上踐阼以來留心至治
整名文物思復承平之舊首敕有司修完登歌宮縣
八音樂舞以備郊廟之用若稽古典宜有徽稱謹案
歷代樂名黃帝曰咸也龍門大卷少昊大淵顓頊六

莖高辛五英唐堯大咸大章虞舜大韶夏禹大夏商
湯大濩周武大武降及近代咸有厥名未總名曰大
晟金總名曰大和今採輿議權以數名伏乞詳定曰
大成按尚書蕭韶九成鳳凰來儀樂記曰王者功成
作樂詩云展也大成曰大明按白虎通言如唐堯之
德能大明天人之道曰大順易曰天之所助者順又
曰順乎天而應乎人曰大同樂記曰樂者為同禮者
為異禮運曰大道之行也故人不獨親其親不獨子
其子是之謂大同曰大豫易曰豫順以動故天地如
之象曰雷出地奮豫先王以作樂崇德成薦之上帝

以配祖考中書省遂定名曰大成之樂乃上表稱賀
表曰離日中天已覩文明之化豫雷出地又聞正大
之音神人以和祖考來格欽惟皇帝陛下潤色洪業
游意太平爰從龍邸之潛久敬鳳儀之奏及登寶位
申命鼎司謂雖陳堂上之登歌而尚闕庭前之佾舞
方嚴禋祀當備聲容屬天語之一宣廼春官之畢會
臣等素無學術徒有汗顏聿求舊署之師工仍討累
朝之典故按圖索器永言和聲較鍾律於積黍之中
續琴調於絕絃之後金而模石而琢簾斯豎筍斯橫
合八音而克諧閱三歲而始就列文武兩階之干羽

象帝王四面之宮庭一洗哇淫之聲可謂盛大之舉
既完雅器未錫嘉名蓋聞軒昊以來俱有咸雲之號
莖英章韶以象德夏濩武勺以表功洪惟國朝誕受
天命地大物鉅人和歲豐宜符古記之文稱曰大成
之樂漢庭聚議作章敢望於一夔舜殿鳴弦率舞頭
觀於百獸至元元年冬十有一月括金樂器散在寺
觀民家者先是括到燕京鐘磬等器凡三百九十有
九事下翟剛辨驗給價至是大興府又以所括鐘磬
樂器十事來進太常因言亡金散失樂器若止於燕
京拘括似爲未盡合於各路各觀民家括之度省鑄

造於是奏檄各道宣慰司括到鐘三百六十有七磬
十有七鐸一送于太常又中都宣德平灤順天河東
真定西京大名濟南北京東平等處括到大小鐘磬
五百六十有九其完者景鐘二鐸鐘十六大聲鐘十
中聲鐘一小聲鐘二十有七編鐘百五十有五編磬
七其不完者景鐘四鐸鐘二十有三大聲鐘十有三
中聲鐘一小聲鐘四十有五編鐘二百五十有一編
磬十有四二年初用宮縣登歌樂文武二舞于太廟
先是東平萬戶嚴光範奏太常登歌樂器樂工已完
宮縣樂文武二舞未備凡用人四百一十二請以東

平漏籍戶充之合用樂器官為置備制可命中書省
臣議行於是中書命左三部太常寺少府監於興禪
寺置局委官楊天祐太祝郭欽董真事大樂正翟剛
辨驗音律充收受樂器官丞相耶律鑄又言今製宮
縣大樂內編磬十有二虞宜於諸處選石材為之大
常寺以新撥官縣樂工文武二無四百一十二又未
習其藝遣大樂令許政往東平教之大樂署言堂上
下樂舞官負及樂工合用衣服冠冕鞞履等物乞行
製造中書禮部移準太常博士議定制度下所屬製
造官縣樂器既成大樂署即敏開坐名數以上編鐘

磬三十有六 簋樹鼓四同建舞應晉鼓 路鼓二 鼗鼓
二相鼓二 雅鼓二 祝一 敔一 笙二 十有七樂和 塤八
簫簫簞笛各十 琴二十有七 瑟十 有四單鐸雙鐸鏡
罇鉦 磨 旌 纛 各二 補鑄編鐘百九 十有二 靈壁石磬
如其數 省臣言太廟殿室向成 宮縣樂器咸備 請徵
東平樂工赴京師 肄習以俟 享廟削可 秋七月 新樂
服成 樂工至 自東平 敕翰林院定撰 八室樂章 大樂
署編舞節 俾肄習之 冬十有一月 有事于太廟 宮
縣登歌樂文 武二舞 咸備 其迎送神曲曰來成之曲
烈祖曰開成之曲 太宗曰文成之曲 太宗曰文成之

曲皇伯考 朮赤曰弼成之曲 皇伯考 察合帶曰協成
之曲 睿宗曰明成之曲 定宗曰熙成之曲 憲宗曰威
成之曲 初獻 升降曰肅成之曲 司徒奉俎曰嘉成之
曲 文舞退武舞進曰和成之曲 亞終獻酌獻曰順成
之曲 徹豆曰豐成之曲 文舞曰武定 文綏之舞 武舞
曰內平 外成之舞 第一成 象滅王罕 二成 破西夏 三
成 克金 四成 收西域 定河南 五成 取西蜀 平南 詔六
成 臣高麗 服交趾詳見樂舞篇 十有二月 籍近畿 儒戶三
百八十四人 爲樂工 先是 召用東平樂工 凡四百一
十二人 中書以東平地遠 惟留其戶九十 有二餘 盡

遣還復入民籍十一年秋八月製內庭曲舞中書以
上皇帝冊寶下太常太樂署編運無射宮大寧等曲
及上壽曲譜當時議殿庭用雅樂後不果用十三年以近畿樂戶多

逃亡僅得四十有二復徵用東平樂工十六年冬十
月命太常卿忽都于思召太常樂工是月十一日大
樂令完顏椿等以樂工見于香閣文郎魏英舞迎神
黃鐘曲武郎安仁舞亞獻無射宮曲十八年冬十月
昭睿順聖皇后將祔廟製昭睿順聖皇后室曲舞十
九年王積翁奏請徵亡宋雅樂器至京師置於八作
司二十一年大樂署言宜付本署收掌中書命八作

司與之鑄鐘二十有七編鐘七百二十有三特磬二
十有二編磬二十有八鏡六單鐸雙鐸各五鉦鐸各
八二十二年冬閏十有一月太常卿忽都于思奏大
樂見用石磬聲律不協稽諸古典磬石莫善於泗濱
女直未嘗得此今泗在封疆之內宜取其石以製磬
從之選審聽音律大樂正趙榮祖乃識辨磬材石工
牛全詣泗州採之得磬璞九十製編磬二百三十命
大樂令陳革等料簡應律者百有五二十三年忽都
于思又奏太廟樂器編鐘笙匏歲久就壞音律不協
遂補鑄編鐘八十有一合律者五十造笙匏三十有

四二十九年四月太常太卿香山請采石增製編磬
 遣孔鑄馳驛往泗州得磬璞五十八製磬九十大樂
 令毛莊等審聽之得應律磬五十有八於是編磬始
 備三十年夏六月初立社稷命大樂許德良運製曲
 譜翰林國史院撰樂章其降送神曰鎮寧之曲初獻
 盥洗升壇降壇望瘞位皆肅寧之曲正配位奠玉幣
 曰億寧之曲司徒奉俎徹豆曰豐寧之曲正配位酌
 獻曰保寧之曲亞終獻曰咸寧之曲按祭社稷先農及大德六年祀
天地五方帝樂章皆用金舊各釋三十一年世祖裕
奠宣聖亦因宋不改詳樂章篇
 宗祔廟命大樂署編運面譜舞節翰林定撰樂章世

祖室曰混成之曲裕宗曰昭成之曲成宗大德九
 年新建郊壇既成命大樂署編運曲譜舞節翰林撰
 樂章十一月二十八日祀園丘用之其迎送神曰天
 成之曲初獻奠玉幣曰成成之曲酌獻曰明成之曲
 登降曰隆成之曲亞終獻曰和成之曲奉饌徹豆
 曰寧成之曲望燎如登惟用黃文舞曰崇德之舞
 武舞曰定功之舞十年命江浙行省製造宣聖廟樂
 器以宋舊樂工施德仲審較應律運至京師秋八月
 用于廟祀宣聖先令翰林新撰樂章命樂工習之降
 送神曰安成之曲初獻盥洗升殿降殿望瘞皆同安

之曲奠幣曰明安之曲奉俎曰豐安之曲酌獻曰成
安之曲亞終獻曰文文之曲徹豆曰娛安之曲蓋舊
曲也新樂章木果用亦一年武宗即位祭告天地命
大樂署編運皇地祇酌獻大呂宮一曲及舞節翰林
議樂章無曲九月順宗成宗二室社廟下大樂署編
運曲諸舞節翰林議樂章順宗室曰慶成之曲成宗
室曰守成之曲至大二年親享太廟皇帝入門奏順
成之曲盥洗升殿田至元中初獻升降肅成之曲亦
曰順成之曲出入小次奏昌寧之曲迎神用至元中
來成之曲改曰思成初獻攝大尉盥洗升殿奏肅寧

之曲酌獻太祖室仍用舊曲改名開成開成本至元

其詞則太肅宗室仍用舊曲改名武成此亦至元中

詞則神祖創業以下仍舊皇帝飲福登歌奏釐成之曲新製文舞

退武舞進仍用舊曲改名肅寧舊名和成其詞天生

是也亞終獻酌獻仍用舊曲改名肅寧舊名順成其詞

是也徹豆曰豐寧之曲舊名豐成送神曰保成之曲皇

帝出廟廷亦曰昌寧之曲太常集禮曰樂章據孔思

成字凡用寧字者金曲也國初禮樂之事悉用前代

舊工循習故常遂有用其舊者亦不用其詞而肯

以舊號者如郊祀冬十有二月始製先農樂章以太

常登歌樂祀之先是有命祀先農以登歌樂如祭社

稷之制大樂署言禮祀先農如社遂錄祭社材鐘宮
鎮寧等曲以上蓋金曲也三年冬十月置曲阜宣聖
廟登歌樂初宣聖五十四代孫左三部照磨思逮言
闕里宣聖祖廟釋奠行禮久闕祭服登歌之樂未蒙
寵賜如蒙移咨江浙行省於各處瞻學祭餘子粒內
製造登歌樂器及祭服以備祭祀庶盡事神之禮中
書允其請移文江浙製造至是樂器成運赴闕里用
之十有一月敕以二十三日冬至祀昊天上帝于南
郊配以太祖令大樂署運製配位及親祀曲譜舞節
翰林謨樂章皇帝出入中遺黃鐘宮曲二盥洗黃鐘

宮曲一升殿登歌大呂宮曲一酌獻黃鐘宮曲一飲
福登歌大呂宮曲一出入小次黃鐘宮曲一

皆無四
曲名

年夏六月武宗祔廟命樂正謝世寧等編曲譜舞節
翰林侍講學士張士觀謨樂章曲名威成之曲仁宗
皇慶二年秋九月用登歌樂祀太上皇睿宗于真定玉
華宮自是歲用之至延祐七年春三月奏罷延祐五
年命各路府宣聖廟置雅樂選擇習古樂師教肄生
徒以供春秋祭祀六年秋八月議置三皇廟樂不果
行七年仁宗祔廟命樂正劉瓊等編運酌獻樂譜舞
節翰林謨樂章曲名曰歆成之曲英宗至治二年冬

十月用登歌樂于太廟是月英宗祔廟下大樂署編
運樂譜舞節翰林撰樂章曲曰獻成之曲文宗天曆
二年春三月明宗祔廟下大樂署編運樂譜舞節翰
林定撰樂章曲曰永成之曲

華宮自登歌樂器

金部

編鐘一簋鐘十有六範金為之筍簋

橫曰筍
植曰簋

皆雕繪

樹羽塗金雙鳳五中列博山崇牙十有六縣以紅絨
組簋趺青龍籍地以綠油臥梯二加兩跗焉筍兩端
金螭首銜鑰石壁嬰五色銷金流蘇條以紅絨維之

鐃者四所以備歌側在

太室以礪

地甃因易以石

麟簋額識以金飾篆字

鐘者以茱萸木為之合竹

為柄九鐘未奏覆以黃罽

兩覆以油絹磬亦然元初

鐘用宋金舊器其識曰大

晟大和景定者是也後增

製兼用之

石部

編磬一簋磬十有六石為

之懸以紅絨紉虞跗後視

拊磬者以牛角為之餘筍

崇牙樹羽壁嬰流蘇之

制並與鐘同元初磬亦用

宋金舊器至元中始采泗

濱靈壁石為之

絲部

琴十一絃三絃五絃七絃九絃者各二斷兩為四等
為底冰絃木軫漆質金徽長三尺九寸首闊五寸二
分通足中高二寸七分旁各高二寸五分俱以黃絳
通足中高二寸旁各高一寸五分俱以黃絳天囊貯
之琴卓髹以綠

瑟四其制底面皆用梓木面施采色兩端繪錦長七
尺首闊尺有一寸九分通足中高二寸旁各高三寸
尾闊尺有一寸七分通足中高二寸旁各高三寸五
分朱絃為絃凡二十有五各設柱兩頭有孔疏通相

連以黃綺夾囊貯之架四髹以綠金飾鳳首八
竹部

簫二編竹為之每架十有六管闊尺有六分黑捨金
鸞鳳為飾鑰石釘鉸以黃絨紉維於人項左右復垂
紅絨條結架以木為之高尺有二寸亦號排簫韜以
黃囊

笛二斷竹為之長尺有四寸七孔亦號長笛纏以朱
絲垂以紅絨條結韜以黃囊

簫二制如笛三孔纏以朱絲垂以紅絨條結韜以黃
囊

篪二髹色如桐葉七孔纏以朱絲垂以紅絨條結韜以黃囊

匏部

巢生四和笙四七星匏四九曜匏一閏餘匏一皆以班竹爲之玄髹底置管匏中施簧管端參差如鳥翼大者曰巢笙次曰和笙管皆十九簧如之十三簧者曰閏餘匏九簧者曰九曜匏七簧者曰七星匏皆韜以黃囊

土部

埴二陶土爲之圍五寸半長三寸四分形如稱錘六

孔上一前一後三韜以黃囊

革部

搏拊二制如鼓而小中實以糠外髹以朱繪以綠雲繫以青絨條兩手用之或搏或拊以節登歌之樂

水部

祝一以桐木爲之狀如方桶繪山於上髹以粉旁爲圓孔納椎於中椎以杞木爲之撞之以作樂
敔一製以桐木狀如伏虎彩繪爲飾背有二十七鉏鋸刻下承以槃用竹長二尺四寸破爲十莖其名曰
篪櫟其背以止樂

禮樂其宮縣樂器

金部... 承以樂用... 罇二只... 四... 罇... 其各曰
罇鐘十有二簾簾一鐘制視編鐘而大依十二辰位
特縣之亦號辰鐘筍簾朱髹塗金彩繪飛龍附東青
龍西白虎南赤豸北玄麟素羅五色流蘇餘制並與
編鐘同

編鐘十有二簾簾十有六鐘制見登歌此下樂器制與登歌同者

皆不重載

石部

編磬十有六簾簾十有二磬制見登歌筍簾與罇鐘

同

絲部

琴二十有七二絃者三三絃五絃七絃九絃者各六

瑟十有二

竹部

簫十簫十篪十笛十

匏部

巢笙十

竽十竹爲之與巢笙皆十九簧惟指法各異

七星匏一九曜匏一閏餘匏一

土部

墳八

革部

晉鼓一長六尺六寸面徑四尺圍丈有二尺穹隆者居鼓面三之一穹徑六尺六寸三分寸之一面繪雲龍為飾其臯陶以朱髹之下承以彩繪跌座并鼓高丈餘在郊祀者鞞以馬革

樹鼓四每樹三鼓其制高六尺六寸中植以柱曰建鼓柱末為翔鷺下施小圓輪又為重斗方蓋並繚以彩繪四角有竿各垂壁翼流蘇下以青狻猊四為跌

建旁枹二小鼓曰鞞曰應樹樂縣之四隅踏床鼓桴並髹以朱

雷鼓二制如鼓而小鞞以馬革持其柄播之旁耳自擊郊祀用之

雷鼗二亦以馬革鞞之為大小鼓三交午貫之以柄郊祀用之

路鼓二制如雷鼓惟非馬革祀宗廟用之

路鼗二其制為小大二鼓午貫之旁各有耳以柄搖之耳往還自擊不以馬革祀宗廟用之

木部

順治十六年刊

祝一敵一

之其卦節樂之器

麾一製以絳繒長七尺畫升龍於上以塗金龍首朱杠縣之樂長執之舉以作樂偃以止樂

照燭二以長竿置絳羅籠於其末然燭於中夜暗麾遠難辨樂正執之舉以作樂偃以止樂

樂收文舞器

纛二制若旌幢高七尺杠首刻象牛首下施朱繒蓋為三重以導文武

籥六十有四木為之象籥之制舞人所執

翟六十有四木柄端刻龍首飾以雉羽綴以流蘇舞人所執

武舞器

旌二制如纛杠首栖以鳳以導武舞

干六十有四木為之加以彩繪舞人所執

戚六十有四制若劔然舞人所執

禮記注戚斧也今制與古異

金鐃二範銅為之中虛鼻象狻猊木方趺二人舉鐃

築於趺上

金鉦二制如銅繫縣而擊之以節樂

金鏡二制如火斗有柄以銅為匡疏其上如鈴中有

順治十六年刊

卷之九

七

元執其柄而搖之其聲饒饒然用以止鼓
單鐸雙鐸各二制如小鐘上有柄以金爲舌用以振
武舞兩鐸通一柄者號曰雙鐸

雅鼓二制如漆笏輓以羊革旁有兩紐工人持之築
地以節舞

相鼓二制如搏拊以韋爲表實之以糠拊其兩端以
相樂舞節

鼗鼓二

舞表

表四木杆鑿方石樹之用以識舞人之兆綴

卷第十九

大英欽定

光緒六年

軍機處

武備司

...

...

...

大英欽定

